

Hebreopãi chũ'o tocha saocojñosi'ea'me

*Dios Repaũ Mamakũni i'kamũ, Repaũ neenani
i'kaa'kũ chini*

¹ Apepũmũ Dios rũarepañoã si'acairo cho'o ñokũ Repaũ chũ'o kũanani Repaũ pa'iche kũa jũauasomũ, mai aipãi pa'isinani kũaa'jũ chini.

² Irũmũ Repaũ Mamakũji kũamũ maire. Ñcuauñi peore paakũ chũ'ũñe'te jo'kaasomũ. Ñcuachi'a Repaũji chejana'me peore irũmũ pa'iche cho'oa'kũ chini chũ'ũasomũ Repaũ.

³ Mamakũji Pũka'kũ Dios re'oja'che pa'iche peore ñomũ, Ñcuauja'iujekũ. Peore Repaũ chiiche paaũ chini Repaũ masicheji si'amajñaruã chũ'ũmũ. Mai cu'a jũni ro'ikaisirũmũ sũnaũmũna mũni Diore kueñe uajajũtu cakã'kona pũuasomũ Repaũ.

*Dios Mamakũ ángeleva'nare na'a rũa
Masiũ'mũ*

⁴ Dios Mamakũ irũmũ ángeleva'nare na'a rũa Masiũ'mũ. Ñcuaja'che Pũka'kũpi na'a rũa masiche'te ñsiũna koosi'kũjekũ chekũnare na'a aia'mũ Repaũ.

⁵ Dios ángeleva'nare te'eũ'terejẽ'e ija'che i'kamaneasomũ:

Mũ'ũ chũ'ũ chĩia'mũ; irũmũna pãi ñcuauñkore
kũa jũaumũ chũ'ũ jã'a,

chiimaneasomꞫ, jmamakarꞫjẽ'e. Ma-
 makꞫ'techi'a i'kasi'easomꞫ jã'a. Ûcuachi'a,
 ángeleva'nare te'eũ'terejẽ'e ija'che
 i'kamaneasomꞫ:

Jã'ũ pꞫka'kꞫ pasa chũ'ũ; ùcuaja'che jã'ũ chũ'ũ
 chĩi paau,

chiimaneasomꞫ Dios. MamakꞫ'techi'a
 i'kasi'easomꞫ.

⁶ Jã'ata'ni chekũcheja Repau chũ'o pa'ikorovu
 ija'che chiimꞫ Mamakũni, chekũnare
 ùcuanũkore na'a aini, Ûcuate'euni, chũ'ũñe
 jo'kacojñosi'kũni, chejana jo'e raora chini, Repau
 i'kache:

Dios neena ángeles ùcuanũko ña, vajũchũju
 pojojũ paaru Repau'te,

chiimꞫ.

⁷ Angeleva'nani i'kakũ Repau i'kasi'e ija'che
 kũamũ Dios chũ'o:

Chũ'ũ neena ángeles tutu pa'icheja'che paaru
 chini jo'kasi'kũa'mũ chũ'ũ,

ùcuachi'a toa pa'icheja'che pa'ijũ chũ'ũni
 cho'okaijũ paaru,

chiimꞫ.

⁸ Jã'ata'ni Mamakũni i'kakũ Repau i'kasi'e ija'che
 kũamũ Repau chũ'o:

Dioa'mũ mũ'ũ.

Mũ'ũ si'arũmũ chũ'ũkũ pa'ija'mũ.

Re'oja'chere masi chũ'ũkũ'mũ mũ'ũ.

⁹ Re'oja'chere chiiũ cu'acheta'ni cuhekũ'mũ mũ'ũ.

Jã'ajekũna mũ'ũre Paakũ Dios mũ'ũpi chekũnare
 na'a ai paau chini

mũ'ũre chẽa pojojũ pa'iche ñisi'kũa'mũ,

chiimꞫ.

¹⁰ Chekũcheja ija'che i'kamũ Dios Mamakũ'te:

Pāi Ūcuanukore Paaku, mu'upi mamarumu
cunaumuna'me cheja cho'osi'kua'mu.

¹¹ Jā'ata'ni peore si'asojachea'me jā'a.

Mu'uta'ni si'arumu pa'iku'mu.

Kāña si'acheja'che peore si'asojachea'me jā'a.

¹² Cunaumuna'me cheja aikāa pu'se
mañasocheja'che cho'oja'mu mu'u.

Aikāa ju'isi'kupi mamakāa saño sachacheja'che
mamachi'a sa'ñesoja'mu mu'u jā'a.

Mu'uta'ni sañoma'ñe Ūcuate'eu chũ'uku
pa'ija'mu.

Mu'u pa'iche si'ama'ñea'me,
chiimu.

¹³ Dios ángeleva'nare te'eu'terejẽ'e ija'che
i'kamaneasomu:

Chu'u ujjajutu cakā'kore puu ñu'iu chũ'ujũ'u,

chu'upi cho'okaiuna mu'ure cuhena mu'u
chũ'uñe'te cho'oju paapu,

chiimaneasomu, jmamakarujẽ'e. Ma-
maku'techi'a i'kasi'easomu jā'a.

¹⁴ Angeleva'na ūcuanuko Diore cho'oche
cho'okaina ñomanaa'me. Maire Dios neenare
Repaũ isiche si'ache re'oja'che koopi'ranare
Ūcuauji chũ'ukuna cho'okaime repa.

2

*Dios Mamaku maire re'oja'che cho'okaiche
jachamaneñu*

¹ Jā'aja'ñejekuna mai asasi'e chu'o na'a masi
asa chẽa cho'oju pañu; mai cho'omairo pani ma'a
tĩima'ana sani cavesusocheja'che cu'are cho'oju
cacu'asojanaa'me.

2 Dios aperumũ ángeleva'nare Repaũ chũ'uñe'te pãire kuaa'jũ chini chũ'uasomũ. Repaũ chũ'uñe'te ángelepi kuajuna asa jachajũ cho'omana pãi cu'ache ti'jñecojñosinaa'me, jachache ro'í. Repana cu'ache cho'osi'e peore masi ro'isinaa'me.

3 Jã'ajekuna maipi Dios Mamakũ maire re'oja'che cho'okaiche asa jachajũ cuheto na'a rua cu'ache ti'jñeja'mũ maire. Chareparo Maire Paakũ, Dios Mamakũji jã'are kuaasomũ, maire Repaũ cho'okaiche'te. Na'a pa'isirumũ chukuna'te Repaũ'te ja'me pa'isinapi kuasinaa'me.

4 Repanapi kuajuna Dios Repaũchi'a cho'omasiche'te pãipi repaia i'kache'te asa, "Te chũ'o ũcuarepa'a'me", chiapũ chini pãi jũ'inare vasochena'me cheke si'ache peore cho'o ñosi'kua'mũ. Maire ũcuachi'a Dios Repaũ Rekochoji cho'okaiuna sãiñechi'a re'oja'che cho'okaimasimajñarũã Repaũ'te uache si'acairo jo'kamũ, maipi Repaũ chũ'o chũ'vache'te asa, "Ūcuarepare chũ'o i'kame ina", chijũ masia'jũ chini.

Jesucristo mai a'chũ pa'icheja'che pa'ikũ'mũ

5 Chũ'u i'kache ie chũ'o ija'chea'me: Dios ángeleva'nare icheja cheja na'a pa'isirumũ pa'ijanare pãi chũ'uñe jo'kamaneasomũ.

6 Ūcuachi'a Dios chũ'o pa'ikorovũ tochasi'kũ Repaũ'te i'kakũ tochasi'e ija'che kuamũ:

¿Mũ'u pãi cuasakũ'u? ¿Repanare oikũ'u mũ'u?

7 Mũ'upi cho'okaiuna ángeles jmamakarũchi'a chukuna'te pãi na'a rua masina pa'ime.

Jã'ata'ni mũ'ũpi cho'okaiũna chekũnare ña,
vajũchũana pa'ijanaa'me pãi.

⁸ Peore chũ'ua'jũ chini jo'kaja'mũ mũ'ũ repanare
pãi,

chiimũ. Jã'aja'ñe cho'ojachejekũna pãi
jmanũkorũjẽ'e kara ñsima'ñe chũ'ũmasiche
peore jo'kaja'mũ Dios. Jã'ata'ni chuta'a jã'aja'ñe
cho'oche ñamanaa'me mai.

⁹ Ija'cheta'ni masinaa'me mai: Diopi cho'oũna
Jesús cheja rani pa'irũmũchi'a ángele'te
jmamakarũ na'a vesũũ paniasomũ. Dios
maini oiũ cho'okakũna, pãi ũcuanũkore jũni
ro'ikaau chini Repaũ Chẽasi'kũpi chuenisora
chiisi'kũjekũ pãi ũcuanũkore chũ'ũkũ'mũ chura,
cho'okaisi'kũjekũ.

¹⁰ Cu'amajñaruã paara chini peore re'oja'che
Cho'osi'kũ Dios, mai Repaũ neena ũcuanũko
ja'me chũ'ua'jũ chini, re'oja'che cho'okaiũ ma'a
charo sakũja'che Repaũ pa'icheja sakũ'te Jesure
cu'ache ti'jñeñe ũsemaneasomũ, cho'okũ che'che
maini cho'okaaũ chini.

¹¹ Ija'chea'me: Mai re'oja'che pa'iche Jesure
cho'okaicojñona maire Cho'okaikũ Jesuna'me
Ũcuate'eu'te Ja'kũre paame. Jã'ajekũna
Jesús maire, "Chũ'ũ cho'jechĩia'me ina",
chiivajũchũma'mũ.

¹² Dios chũ'o tochasi'e pa'ikorovũ ija'che
kũamũ Repaũ Diore i'kache:

Chũ'ũ cho'jechĩire mũ'ũ pa'iche'te kũakũ,
repanana'me chi'i mũ'ũ ujare ujara,
chiimũ.

¹³ Ũcuachi'a chekũcheja ija'che kũamũ Repaũ
i'kache:

Repauni cuasaku cha'aku pasa chu'u,
chiimu. Chekacheja ũcuachi'a ija'che kuamu:
Ñajũ'u; Dios neena Repau chu'ure
jo'kasinana'me pa'imũ chu'u,
chiimu.

¹⁴ Mai Dios neenapi pãi ainee pa'ijuna
Jesús ũcuachi'a pãiu aineeasomu, mai cu'ache
cho'оче'te jũni ro'ikani vati ai chũ'uñe'te
ũsekasa chini. Repau vati ai toa sainare pãi
paaku'mu.

¹⁵ Jã'aja'ñe cho'o maire jũ'iñe'te vajuchujuna
vati ai chẽa paasinare tũa re'oja'che paamu
Repaũ chura.

¹⁶ Ũcuarepare ie masime mai: Angele'te
cho'okasa chini raimanesi'kuamũ Repau.
Maini Abraham Diore cuasacheja'che Repau'te
cuasanani cho'okasa chini raisi'kuamũ.

¹⁷ Jã'ajekuna maini cho'okasa chini mai
pa'icheja'che pa'iu, mai ti'jñecojñoñeja'ñe
cu'ache si'ache ti'jñecojñosi'kũjeku mai
pa'iche'te masiku oiũ Pũka'kũre Diore si'arumu
re'oja'che sũekaiũ pa'imũ Repau maire, judío
phairi ai sũekaicheja'che. Mai cu'ache
cho'оче'te jũni ro'ikasa chini raisi'kuamũ
Repaũ.

¹⁸ Ũcuachi'a re'oja'chechi'a cho'ora chiikuni
cu'ache ti'jñesi'jekuna maire ũcuaja'che
re'oja'che paũ chiinani cu'ache ti'jñeto
cho'okaikũ'mu Repau.

3

Jesús Moise'te na'a rũa Masiũ'mu

1 Asarepajũ'u, chu'u majapãijana, Repau neenachi'a pa'ina. Ũcuauña'me re'oja'che paapu chini Dios chēasi'kua'mu musanukonare. Jesucristo maire re'oja'che Cho'okaimasikujekuna, Repau mai cuasaju Pa'iku Jesús pa'iche'te cuasarepaju pa'ijũ'u, maire Diore Sēekaiku pa'iche, Dios mamare, "Ija'che cho'oñu", chiisi'e Kuakaisi'kure.

2 Diopi chēa jo'kauna Moisés Repau neenare masi paasi'eja'che Jesús ũcuaja'che Puka'ku Repau'te chēa jo'kasi'e Repau neenare masi paaku'mu.

3 Vu'e paaku chekunare ũcuavũ'e pa'inare na'a rua ña, vajuchucheja'che, pa'i ũcuanukore re'oja'che Cho'okaisi'ku Jesús Moiserere na'a rua cuasa, vajuchuu'mu.

4 Ija'chea'me: Vu'e charo pa'iku ñaacojñosinaa'me repau vu'e pa'ina. Jã'ata'ni Dioa'mu repavũ'e pa'inare ũcuanukore Cho'osi'ku.

5 Diopi chũ'uuna Moisés cho'оче cho'okaiu Repau neenare masi paaasomu. Ũcuachi'a Repau Dios na'a pa'iu i'kajache kuakuna asasi'e repanare masi kuaasomu repau Moisés.

6 Jã'ata'ni Jesucristo Dios Mamakujeku maire Repau neenare na'a rua masi paaku'mu. Maire Repau re'oja'che cho'okaijache Repau'ni jo'kasoma'ñe jmamakarujē'e jachama'ñe cuasaju cha'aju pani, Repau neenaa'me mai.

Dios neena cava etajani re'oja'che pa'iche'te kumatu

7-8 Jã'ajekuna Dios chũ'o pa'ikorovũ tochasi'e kuache Repaũ Rekocho i'kasi'e asa chẽa cho'ojũ'ũ:

Mũsanũkonapi Dios chũ'o asani mai aipãi pãi peocheja sani ku'isina

Repaũ i'kache asa jachajũ ke'reju cho'ocuhesi'eja'che cho'omairo,

irũmũna teana cho'ojũ'ũ.

9 Chũ'ũ cuarentarepaũsũrũmũ repanare re'oja'che cho'okaiũna ñasinata'ni chũ'ũ chũ'ũñe cuheju

si'arũmũ rũa ke'reju pa'isinaa'me repa chũ'ũre.

10 Jã'ajekuna chũ'ũ reparũmũ aina pa'isinare pe'rukũ ija'che i'kasi'kua'mũ:

“Repana rekoñoã chũ'ũ chũ'ũñe'te cho'ocuheju chũ'ũ pa'ichejẽ'e vesujũ

ma'a tĩima'ana si'arũmũ saijũ pa'icheja'che cu'ache pa'ime”, chiisi'kua'mũ chũ'ũ repanare.

11 Jorema'mũ chũ'ũ.

Chũ'ũni teakuna ũcuarepa cho'ora chini ija'che i'kasi'kua'mũ chũ'ũ:

“ ‘Icheja kaka cava etajani re'oja'che paapu’, chiisicheja kakamanejanaa'me ina”, chiisi'kua'mũ chũ'ũ,

chiimũ.

12 Asarepajũ'ũ, chũ'ũ majapãijana. Ñarepajũ pa'ijũ'ũ; mũsanũkona te'eujẽ'e rekoñoã cu'arekoñoãre paajũ, cu'ache'te cho'ojũ, Diore Si'arũmũ Pa'ikũni cuasacuheju jachajũ cacu'asomanejũ'ũ.

13 Cu'ache'te cho'oju jorechũ'ore asa chẽamaneñu chini, irũmũna mũsanũkonare cho'ore'orũmũna ũcuanũko si'aumucujña sãĩñechi'a, "Re'oja'che pa'iju pañu mai", chiiju pa'ijũ'ũ, Repaũni ũcua cuasaju pañu chini.

14 Mai Repaũ'te apescuasarũmũ mai cuasacheja'che ũhasoma'ñe cheja pa'irũmũ si'arũmũ cuasaju pa'isinare Dios maire, "Iere ĩsija'mũ chũ'ũ", chiisi'ere peore koojanaa'me mai, Cristo neenajeju.

15 Aperũmũ jã'are kũakũ tocha jo'kasi'e Dios chũ'o ija'che kũamũ:

Mũsanũkonapi Dios chũ'ore asani,

mai aipãi pãi peocheja sani ku'iju

Repaũ i'kache asa jachaju ke'reju
cho'ocuhesi'ejache cho'omairo,

irũmũ teana cho'ojũ'ũ,
chiimũ.

16 ũcuanũko asa jachaju ke'reju cho'ocuheju pa'isina Egipto cheja Moisés etua sasina paniasome repaña.

17 Dioni jachaju cu'ache cho'oju cuarentarepaũsurũmũ pe'rucojñoju pa'iju pãi peochejare pa'iju jũnisoasome repaña.

18 Jã'ajekũna Dios, " 'Icheja kaka cava etajani re'oja'che paaru', chiisicheja kakamanejanaa'me ina", chiniasomũ, Repaũ chũ'ũñe jachasina-jejuña.

19 Jã'ajekũna jã'are asa cuasaju masime mai repanare Dios i'kache jachajũna kakaũsesi'e.

4

1 Dios maire ũcuachi'a irumũ cho'okasa chiimũ, mai rekoñoã cava etajani re'oja'che paapũ chini. Jã'ajekuna musanukona jã'aja'ñe pa'iche te'eujê'e va'semaneñu chini cuasarepajũ pa'ijũ'ũ.

2 Mai ũcuachi'a Dios chũ'o re'oja'che kuacojñosinaa'me, Moisenaa'me pa'isinare kuasi'eja'che. Jã'ata'ni repanare Dios chũ'o re'oja'che asa jachasinare re'oja'imaneasomũ, jachajũna.

3 Maire Repaũ'te jachama'ñe cuasanareta'ni cava etajani re'oja'che pa'ire'omũ. Ũcuare kuaku Dios chũ'o tochasi'e ija'che kuamũ:

Chũ'uni teakuna ũcuarepa cho'ora chini ija'che i'kasi'kuamũ chũ'ũ:
 “Jorema'mũ chũ'ũ.

‘Icheja kaka cava etajani re'oja'che paapũ’,
 chiisicheja kakamanejananaa'me ina”, chi-
 isi'kuamũ chũ'ũ,

chiimũ. Repaũ cheja cho'o pi'nirumũna pãire re'oja'che paapũ chini re'oja'che pa'iche jo'kaasomũ Repaũ.

4 Chekũcheja Dios chũ'o pa'ikorovũ seirepau-
 mucujña jo'e chekũumucuse pa'isi'ere ija'che
 kuamũ:

Seirepau mucujñana cho'оче peore cho'o
 si'aasomũ.

Chekũumucuse cho'оче peoasomũ Dios,
 chiimũ.

5 Jo'e chekũcheja Dios chũ'o tochasi'e ija'che mai
 aipãire i'kamũ:

“Ichejare kaka cava etajani re'oja'che paapũ”,
 chiisicheja kakamanejananaa'me ina,

chiimũ.

6 Jã'ajekũna repacheja Ūcuau chũ'ore asa jachajũna kaka cava etajani re'oja'che pa'icu'aasomũ repanare, aperũmũ pa'isinare. Jã'ata'ni irũmũ canare maire rekoñoãpi cava etajani re'oja'che pa'ire'omũ, Repau chũ'o asa jachama'ñe cuasato.

7 Aperũmũ pa'isina jachasi'ejekũna na'a pa'isirũmũ re'oja'che pa'iche koore'orũmũre jo'e jo'kara chini rũa jeerũmũ pa'isirũmũna Davire, "Ija'che chiiche tocha jo'kajũ'ũ", chiisi'e ũcuare jo'e kũakũ ija'ovana tochamũ chũ'ũ ie:

Mũsanũkonapi Dios chũ'ore asani, irũmũna teana jachama'ñe cho'ojũ'ũ,
chiimũ Repau kũakũ tochasi'e.

8 Josuepi repacheja kakasinare cava etajani re'oja'che pa'iche ñiasomũ. Jã'are ñisikũ ũcuachi'a rekoñoã re'oja'che pa'iche ñisito na'a pa'isirũmũ Repau, "Ñisija'mũ", chiisi'e jo'e i'kamanera'asi'kũamũ Dios.

9 Jã'aja'ñejekũna irũmũ Dios neenare cava etajani re'oja'che pa'iche chuta'a pa'imũ.

10 Diopi cho'okaiũna, mai rekoñoã cava etajani re'oja'che pani, Repau cheja peore cho'o pi'nisirũmũ jo'e cho'oma'ñe pa'icheja'che, mai ũcuachi'a aperũmũ cho'osi'e jo'e cho'oma'ñe pa'ijanaa'me.

11 Jã'ajekũna mai ũcuanũko cava etajani re'oja'che pa'ũ chini peore cho'ore'ochetũ'ka masi cuasajũ re'oja'che cho'oju pa'ũ; te'eujẽ'e aperũmũ pa'isina cho'osi'eja'che jachajũ cacu'asomaneñũ mai.

12 Va'ti ka'chakã'jño jũjusuva'tipi tota cuaojuna sa'navu kakacheja'che mai rekoñoãna Dios chu'opi rua sa'navu kakauna cuasomu maire. Ũcuachi'a mai rekoñoã pa'iche rua sa'navu pa'ichena'me mai cuasaju cho'oñu chiiche Dios chu'opi kakauna cuasomu maire. Dios chu'opi jã'aja'ñe kakauna mai pa'iche meñe masime mai, re'oja'che pa'ichena'me cu'ache pa'iche.

13 Repau cho'osina pa'iche Diopi ñato chavechejẽ'e peoche masi ñokuasomu. Ũcuauji sêuna mai cuasachena'me cho'osi'e kuajanaa'me mai Repau'te.

Jesús phairipãi ũcuanuko Aijeku maire Dioni sêekaiķu'mu

14 Jesús Dios Mamaku phairipãi ũcuanuko Aijeku maire Dioni sêekaiķu pasa chini cunaumuna muniasomu. Jã'ajekuna Repau'te maire Sêekaiķu'te jmamakarujẽ'e jo'kasoma'ñe cuasaju pañu.

15 Maire Diore Sêekaiķu Jesús maire vati cu'ache chũ'uñeja'ñe Chũ'ucojñosi'kujeku mai pa'iche'te masiku oiķ cho'okaimu. Mai pa'icheja'che pa'isi'kuta'ni jmamakarujẽ'e cu'ache cho'omanesi'kuammu Repau.

16 Jã'ajekuna vajuchuma'ñe Dioni sêeju pañu, maire oiķ Sêekaiķuji mai cu'ache cho'oche tunosokani maire karamajñaruãre isiku mai cho'ovesuche cho'okaiķuna masiñu chini.

5

1 Dios judiõpãi te'enare chẽa jo'kaasomu phairi aina pa'ijũ Repau'ni sêekaiķu repa

cu'ache cho'osi'e ro'ire ro'iñu chini Diore
 ïsimajñaruãna'me Repau'te pojoñu chini
 ïsimajñaruãre ïsikaapu chini.

² Repau phairi ai, mai pa'icheja'che pa'ikujeku
 re'oja'che cho'oche cho'ovesachejekuna
 chekúnare pãi oiũ re'oja'che cho'ovesunare
 cho'okaiũ ma'a cavesusosinaja'ñe cu'ache
 pa'inare cho'okaiku'mũ.

³ Jã'ata'ni repauni re'oja'che cho'o koka
 peokuna ũcua cu'ache cho'oku chekúnare pãi
 repauna cu'ache cho'osi'e ro'ire ro'iñu chini Diore
 ïsimajñaruãre ïsikaiũ repau cu'ache cho'osi'e
 ro'i ro'iche pa'imũ repau'te ũcuachi'a.

⁴ Judío phairi ai pa'iche pãiu te'eujẽ'e
 ũcuauji meñe jña pa'ima'ñea'me. Dioa'mũ
 jã'aja'ñe pa'iche chẽa jo'kakũ, Aaron'te chẽa
 jo'kasi'ea'che, Repauni pãire sẽekaiũ paau
 chini.

⁵ Jesucristo ũcuaja'che Repauni pãipi ña,
 vajuchua'ju chini phairi ai pa'iuakuna ũcuauji
 meñe jña chẽa pa'ima'mũ. Dioa'mũ Repau'te
 jã'aja'ñe paau chini chẽa jo'kasi'ku. Repau chu'o
 pa'ikorovu aperumũ tocha jo'kasi'e Repau'te Dios
 i'kasi'e ija'che kuamũ:

Mũ'ũ chu'ũ chĩia'mũ.

Irumuna pãi ũcuaukore kua jñaumũ chu'ũ jã'a,
 chiimũ.

⁶ Ũcuachi'a chekucheja Repau chu'o pa'ikorovu
 ija'che kuamũ Repau'te i'kasi'e:

“Mũ'upi si'arumũ phairi pa'iu pa'ijũ'ũ,
 Melquisedec pa'icheja'che”,
 chiimũ.

7 Repaꝝ Jesucristo icheja cheja chuta'a pa'irumꝝ Puka'ku Dioni jũ'iñe ãsemasikuni jũnisopi'rakꝝ ɯjachu'o raa oiꝝ sēniasomꝝ, Repaꝝni cho'okaꝝ chini. Ũcuꝝni vajuchukꝝ cuasakꝝ Repaꝝ chiiche'te cho'ora chiiꝝna Puka'ku asa cho'okaniasomꝝ Repaꝝ'te.

8 Jã'aja'ñe cho'okꝝ Jesucristo Dios Mamakujekꝝ raa oicojñokuta'ni Puka'ku chiiche'te cho'ora chiiꝝ chꝝova'ɯ cu'ache ti'jñecojñokꝝ pa'iu Puka'ku chũ'ũñe jachama'ñe cho'okꝝ che'cheasomꝝ.

9 Jã'aja'ñe cho'okꝝ Puka'ku chiiche peore cho'o pi'ni, mai cu'a jũni ro'ikani Repaꝝ chũ'ũñe jachama'ñe cho'onare ũcuanukore cho'okaiꝝ Repaꝝna'me Dios pa'ichejana ai sani paarꝝ chini samꝝ Jesucristo maire.

10 Jã'aja'ñe cho'oꝝna Dios maini Sēekaiꝝ paꝝ chini phairi aire jo'kaasomꝝ Repaꝝ'te, Melquisedec pa'icheja'che paꝝ chini.

Jesucristo'te cuasache ũhasomanea'jꝝ chini chũ'vache'me

11 Cheke chꝝ'o na'a raa i'kache paamꝝ chꝝ'ɯ, mꝝsanukonare che'chora chiiche. Jã'ata'ni mꝝsanukonare masi kuavesamꝝ chꝝ'ure, masi asamarꝝna.

12 Jã'arepa jeerumꝝ Jesure cuasanata'ni mꝝsanukona, ¿je'se pa'iuꝝna chekꝝnare chuta'a che'chovesu'che? Aina ãu ũha pa'iche ãimasicheja'che Dios chꝝ'o na'a vesache asamasirꝝja'chere oje chũsuna ũha pa'iche ãivesu'cheja'che Dios chꝝ'o na'a vesache asavesame mꝝsanukona. Vesujꝝ

Jesucristo'te apescuasanare che'chomajñaruãre vesamañechi'a che'cheche chiime mʉsanʉkona.

¹³ Vijachĩi oje chũsuna pa'icheja'che rūhiñe cuasavesuʉ Dios chũ'ũñe che'che cho'oʉu pa'iche vesume.

¹⁴ Aina masicheja'che Dios chu'o na'a ruu asamasinare na'a vesachu'ore che'chere'omu, aina ũha pa'iche ãimasicheja'che, re'oja'che cho'oʉu si'arumu na'a ruu che'cheju, cu'achena'me re'oja'che ñamasinare.

6

¹ Jã'ajekuna Jesucristo'te apescuasarumu che'chesimajñaruãchi'a che'chemañe na'a vesachu'ore asaju che'cheju pañu mai, aina masicheja'che masiju Dios chu'ore na'a vesache'te asamasiju pañu chini. Iea'me repa apescuasarumu che'cheche: Pãi Dios sējocojñosina cu'ache cho'ocheja'che cho'oũache ũhasochena'me, Diore cuasachena'me,

² Jesucristo neenajeju okoro'vecojñoñe, Jesure cuasanare chũ'ũna chẽa vasoche jũnisosina vajurajachena'me, pãi cheja pa'irumu cho'osi'e ro'iche Dios chũ'ũjañe.

³ Diopi ũsema'to na'a vesachu'ore kuaja'mu chu'u mʉsanʉkonare.

⁴ Pãipi Dios pa'iche'te miañeja'ñe re'oja'chere asa chẽa, Repau ĩsiche koo, Dios Rekocho cho'okaicojñoju,

⁵ Repau chu'o re'oja'che asa vajuju, Repauchi'a cho'omasiche'te cho'okuna ñasinapi

⁶ peore jã'are sējosoto Dioni jovoa'ju chini jo'e cho'okaicu'amu repanare, ũcuare Repau

Mamakũ'te cuhejũ pãisojũ jo'e vanisocheja'che cho'osinajejũna.

7-8 Jã'aja'ñe pa'ina pãi chio ãu kũimachio pa'icheja'che pa'ime. Cu'are cho'ojũ, Jesucristo'te cuasache'te ũhasoni chio ãu tãsichiota'ni mi-una'me u'cha aineeũna ðosocheja'che, Diore sējocojñojanaa'me repana. Ũcuachi'a repanapi ũhasomanesina pani chio re'oja'che ãu kũichio pa'icheja'che pa'ira'ame. Repañni cuasajũ re'oja'che pani chio ãu tãrena okopi rakũna re'oja'che ainee ãu rũa kũkũna pãiu repa chio tãsi'kũna'me Diore re'oja'che cho'ocojñoñeja'ñe re'oja'che cho'ocojñora'ame repana.

Dios maire cho'okajachere cuasajũ pojojũ cha'ache'te kũamũ

9 Diore cuasache jo'kasonare jã'aja'ñe i'kasi'kũa'mũ chũ'ũ. Mũsanũkonata'ni na'a re'oja'che pa'ime. Jã'are masimũ chũ'ũ. Repanare na'a rũa re'oja'che pa'inajejũ Dios ïsiche koojanaa'me mũsanũkona.

10 Dios re'oja'chechi'a Cho'okũji mũsanũkona Repañ'te cuasajũ chekũnare oijũ re'oja'che cho'okaiche cavesũmaneja'mũ.

11 Mũsanũkona jũnisochetũ'ka jã'aja'ñe re'oja'che pa'ijũ Dios ïsijachere cha'ajũ, ũhasoma'ñe ũcua cuasajũ pa'ito rũa pojoja'mũ chũ'ũ.

12 Mũsanũkonapi Diore masi cuasajũ re'oja'che cho'ochetũ'cho'oñamema'ñe pojojũ cho'ojũ, chekũna Repañ, "Ïsija'mũ", chiisi'e koojũ pa'ina re'oja'che pa'iche'te ñajũ che'che ũcuaja'che re'oja'che pa'ito pojoja'mũ chũ'ũ.

13 Abrahamre Dios, “Cho'okaija'mu chu'u mu'ure”, chiisi'ere ũcuarepa cho'okakuna koosi'ere cuasajũ'u. Dios kuache'te Abrahampi asa jachamanea'ku chini repau'te cho'okaijachere kuaku, Repau'te na'a rua masikuji peokuna, Ũcuauji meñe ija'che i'kaasomu Dios: “Diojeku chu'u jorema'ne ũcuarepa cho'okumũ.

14 Mu'ure jorema'ne ũcuarepa re'oja'che cho'okaija'mu chu'u. Ũcuachi'a mu'u na'a jainukore paajanare si'arumu ñsija'mu chu'u mu'ure”, chiniasomu Dios.

15 Repau Abraham, asa jachama'ne cuasaku pojoku cha'asi'kujeku na'a pa'isirumu kooasomu repa, Dios, “Ñsija'mu”, chiim i'ka jo'kasi'e.

16 Pãi ũcuachi'a chekunapi repa i'kachu'ore jachamanea'ju chini ũcuanachi'a ija'che i'kame: “Diopi cho'okaau; chu'u ũcuarepa i'kache'te cho'o ñora chiimũ chu'u”, chiime. Jã'aja'ne i'kato repa i'kache jachama'ne cuasame pãi.

17 Dios ũcuaja'che maipi Repau, “Re'oja'che ñsija'mu”, chiisi'e koojanapi jachamanea'ju chini Repau joremairo pa'iche'te kuara chini ija'che i'kaasomu: “Diojeku jorema'ne ũcuarepa cho'okumũ chu'u”, chiniasomu.

18 Diojeku Repau i'kache jorema'ne ũcuarepa cho'oku jorecu'akujeku jã'aja'ne i'kaasomu Repau, maipi Repau, “Cho'okaija'mu”, chiisi'ere pojojũ asa chẽasinapi ca'nasoma'ne cuasaju cha'aju paapu chini.

19 Maipi jã'aja'ne ca'nasoma'ne cuasaju pojojũ cha'ani rekoñoã re'ojarekoñoã paaju

jũjarekoñoã paani choovũ masi quẽo sũo vavorena mea cho'osoma'ñeja'ñe mai rekoñoã re'oja'che pa'iche jo'kasomanejanaa'me. Jã'aja'ñe pani Dios vũ'e sa'navũ pa'iruupũ kãa rũa rũikãapi jeo ta'pisiruupũ Repaũna'me paũu chini kakacu'asiruupũna kakacheja'che Diona'me si'arũmũ re'oja'che pa'ijanaa'me mai.

²⁰ Jesucristo reparuupũ maire vatakani charo kakasi'kũja'che pa'iu mai cu'ache cho'osi'e ro'ikanasomũ, phairi ai cho'okaicheja'che cho'okaiũ. Jã'aja'ñe cho'okaisi'kũjekũ Melquisedec pa'icheja'che si'arũmũ phairi ai pa'iu Dioni sũekaiũ pa'imũ Repaũ maire.

7

Melquisedec pa'icheja'che Jesús phairi aia'mũ

¹ Repaũ Melquisedec, Salem vũ'ejoopo aipi, phairijekũ peore Chũ'ũku'te Diore cho'ochẽ cho'okaikũjekũ, pãi re'oja'che pa'iche'te sũekaiũ paniasomũ. Tĩipãi chũ'ũnare cava cajejani co'ikũ Abrahamre tijña Diopi re'oja'che cho'okaau chini, Dioni sũekanasomũ repaũ Melquisedec.

² Ũcuarũmũ Abraham repaũ vani tũa rasimajñarũã dierepakuanu ũcuajakuanuchi'a chi'i te'ekuanupũ ĩsiasomũ Melquisede'te. Jã'a mami Melquisedec chini "Pãi chũ'ũku re'oja'che cho'okũ" chiimũ. Ũcuachi'a repaũ chũ'ũjoopo mami Salem chini "Re'oja'che pa'iche" chiimũ. Jã'ajekũna ija'che i'kare'omũ repaũ'te: "Pãi chũ'ũku repaũ neenare re'oja'che pa'iche cho'okaikũ'mũ", chiire'omũ.

3 Repau puka'kupāi pa'isi'eta'ni Dios chu'o aperumu tocha jo'kasinapi kuaju tochamanerena repau puka'kupāi pa'isi'ejē'e vesuju repau aipāi pa'isi'ejē'e vesume pāi. Ūcuachi'a repau ainesiejē'e vesuju repau jū'isi'ejē'e vesume pāi. Jā'aja'ñe pa'iu cho'oa'ku chini repau'te jo'kasi'e Diopi tuamauna Dios Mamaku si'arumu pa'icheja'che phairi ai pa'imū repau.

4 Repau Melquisedec rua masiu'mū. Iere cuasajū'u: Mai aipāirepau pa'isi'ku rua masiu Abraham repau vani tua rasimajñaruā dierepakanu chi'i te'ekuanupū ĩsiasomū repau'te.

5 Na'a pa'isirumuna Dios chū'uasomū Abraham jojosiñare Leví jojosiñare repa ma-japāire Leví jojosiñare phairipāichi'a repa paamajñaruāre dierepakuanure te'ekuanuchi'a ĩsia'ju chini.

6 Jā'ata'ni Abraham repau dierepakanu paache te'ekuanupū ĩsiasomū Melquisede'te Leví jojocojñomanesi'kureta'ni. ĩsiuna Melquisedec Abrahamre Dioni sēekanasomū, re'oja'che cho'okaau chini, Dios re'oja'che cho'okaija'mū chiicojñosi'kure.

7 Ie masime mai: Pāiu Diopi re'oja'che cho'okaau chini chekure sēekaiku sēekaicojñoku'te na'a rua masiu'mū. Jā'ajekuna ie ūcuachi'a masime mai: Melquisedec Abrahamre rua masiku'teta'ni na'a rua masiu pa'imū.

8 Leví jojosiñare pāi paamajñaruā koonajūnisojanajeju ai pa'imanaa'me. Melquisedeta'ni repau pa'iu, pāi paamajñaruā Diore

kookaiũ jũnisosi'ere Dios chũ'opi kuamauna jũ'imanesi'kũja'che pa'imũ.

9-10 Ūcuachi'a ija'che i'kare'omũ: Leví aipãiu'te Abrahamre Melquisedepi tijñauna Abraham cu'amajñarũã te'ekuanupũ ïsirumũ Leví chuta'a Abraham ca'nivũ'te pa'isi'kũa'mũ. Leví Abrahamre jã'aja'ñe ja'me pa'isi'kũjekũna repaũ jojosina irumũ pãĩ paamajñarũãre koonã ũcuachi'a Melquisede'te ïsicheja'che cho'osinaa'me repana. Jã'ajekũna ie masime mai: Repaũ Melquisedec Leví jojosinare na'a rũã masiũ'mũ.

11 Ija'che cuasajũ mũsanũkona sēniasacosome: Aarón jojosina ũcuare phairipãĩ pa'icheta'ni, ¿je'se pa'ũna phairi'te jo'e chekũni Melquisedec pa'icheja'che pa'ikũni Dios raora chiikũ? Ija'chea'me jã'a: Repaũ'te pojojũ pa'iche'te mai aipãire kuakaau chini Dios Moiseni chũ'ũ jo'kakũ phairipãĩ pa'iche jo'kaasomũ, Aaronna'me repaũ jojosinapi phairipãĩ paapũ chini. Jã'ata'ni repanare phairipãĩ Dios chũ'ũ jo'kasi'e cho'oju pãĩ cho'okainareta'ni repana pãĩ rekoñoã re'ojarekoñoã care'vakaicu'aasomũ.

12 Jã'ajekũna phairipãĩ jñaañe'te sañoni ũcuachi'a Diore cuasajũ pojoa'ju chini chũ'ũ jo'kasi'e sañoñe chiimũ.

13-14 Mai ũcuankũ Dios chũ'o pa'ikorovũ aperumũ tocha kuacojñosi'kũ Maire Paakũ Cristo Judá jojosi'kũ pa'iche masinaa'me. Phairipãĩ pa'iche jo'kamanesivãju tiivãjukũ Leví jojocojñomanesi'kũa'mũ Repaũ Cristo. Jã'ata'ni Moisés Dios chũ'ũ jo'kasi'e phairipãĩ

jñaañechi'a Leví jojosinani i'kaku Judá jojosinare jmamakarujê'e i'kamaneasomu.

15 Cheku phairi mama raisi'ku Cristo Melquisedec pa'icheja'che phairi ai pa'iche'te cuasato Dios maire na'a re'oja'che cho'okaisi'ere na'a rua masi asare'omu.

16 Moisés phairi jojojavãju chũ'u jo'kasivãjupãiuma'mu Repau Cristo. Phairi Mamau pa'iche si'arumu Pa'iu peore Masiujeku phairi'mu.

17 Dios chu'o aperumu tocha jo'kasi'e Repau pa'iche kũachũ'ore jo'e cuasajũ'u:

“Mũ'upi si'arumu phairi pa'iu pa'ijũ'u,
Melquisedec pa'icheja'che”, chiimu Dios,
chiimu.

18 Aperumu Dioni pojoa'ju chini chũ'u jo'kasi'epi karakuna, chura jo'kasoasomu Dios, maire Repau peore cho'okasa chiisi'e cho'okaicu'akuna.

19 Aperumu Repau Moise'te chũ'u jo'kasi'epi pãi rekoñoã re'ojarekoñoã care'vakaicu'akuna chura jo'kaso mamare na'a re'oja'chere cho'okaimu Dios maire. Jã'ajekuna Repau maire re'oja'che mama cho'okaiche'te cuasaju, ũcuachi'a na'a pa'isirumu cho'okaijachere cha'aju cuasaju pojoju mai rekoñoã Repauna'me re'oja'che ja'me pa'ime mai.

20 Repau Dios maini na'a rua re'oja'che cho'okasa chini mama phairini jña jo'kaasomu. “Diojeku ũcuarepa cho'oku'mu chu'u”, chiimu Mamakuni Jesucristoni raoasomu. Chekunata'ni Dios jã'aja'ñe i'kacojñomanesina rupu phairipã mamachĩijeju phairi'me.

21 Dios ch'u'o aperummu tocha jo'kasi'e Maire Paaku'te jñaarummu jã'aja'ñe i'kasi'e ija'che kuammu:

Ch'u'u Pãi Ûcuanukore Paaku Diojeku ùcuarepa cho'okumu.

Jorema'ñe ija'che i'kasi'kuammu ch'u'u:

“Mu'upi si'arummu phairi pa'ija'mu”,
chiisi'kuammu,

chiimmu.

22 Dios jã'aja'ñe ùcuarepa, “Na'a re'oja'che cho'okaija'mu ch'u'u”, chiisi'e Jesucristoji cho'okaiuna peore masi cho'ocojñojanaa'me mai.

23 Chekuna phairipãi jainukota'ni ai si'arummu pa'imanajeju repana cho'oche cho'ojũ chekunani jo'ka jñisojuna si'arummu cho'okaicu'ammu repanare.

24 Jesuta'ni jñisoma'ñe ai Pa'ikujeku si'arummu phairi pa'iu, Repau phairi pa'iche chekuni saño jo'kama'kuammu.

25 Jã'ajekuna Repauni Cristoni cuasaju sēenare Si'arummu Pa'ikujeku maire Dioni sēekaiu, mai rekoñoã re'ojarekoñoã care'vakaimu Repau.

26 Jã'aja'ñe phairi ai pa'iu maire karache cho'okaiu pa'immu. Si'arummu re'oja'chechi'a cho'okumu Repau. Jmamakarujẽ'e cu'ache cuasamau cu'achejẽ'e cho'oma'kuammu Repau. Repau icheja cheja pa'irummu pãi cu'ache cho'onana'me pa'isi'kuta'ni jmamakarujẽ'e repana cu'ache cho'ocheja'che ña chēa cho'omaneasommu Repau. Jã'aja'ñe pa'iuuna Puka'ku Dios Repau'te cunaummu na'a jeecho'jena maa kueñe ñu'iu chũ'uñe jo'kaasommu.

27 Chekuna judío phairi aina charo repana cu'ache cho'oche'te ro'iñu chini si'aumucujña jo'cha va'iva'nare vani ño pi'ni cho'jena chekuna pãï repana cu'ache cho'oche'te ro'ijũ ïsiva'nare jo'cha va'iva'nare vani ñosokainaa'me. Repana cho'ocheja'che cho'oma'kuamũ Jesús. Repaũta'ni te'echoji maire pãï ũcuanukore mai cu'ache cho'osi'ena'me mai cu'ache cho'ojache ro'ikaiũ Repaũ meñe ïsi maire peore jũni ro'ikianiasomũ.

28 Dios aperumũ chũ'ũ jo'kasi'ere cho'oju judío phairi ainare jñaanaa'me pãï. Jã'ata'ni repanani re'oja'che cho'ovesakuna te'eñoã cu'ache cho'ome repana phairi aina. Jã'ajekuna na'a pa'isirumuna Dios ija'che i'kaku, "Chũ'ũ Diojekũ ũcuarepa cho'okũ'mũ", chiiũ Mamakuni phairi ai pa'iche jo'ka icheja chejana raouna rani pa'iu Repaũ'te Puka'ku chiichechi'a cho'o pi'ni cunaumuna jo'e muni phairi cho'oche'te cho'okũ si'arumũ Puka'kuni sseekaimũ maire.

8

Jesús mamare chũ'ũ jo'kasi'e cho'okaikũ'mũ

1 Iere i'kara chiimũ chũ'ũ: Jã'aja'ñe pa'iu Repaũ phairi aijekũ sseekaiũ pa'imũ maire, cunaumuna muni Dios ñu'isaivũ kueñe puusi'ku.

2 Dios vũ'erepa ũcuau cho'osivũ'ere Repaũ'te pojovũ'ere pa'iu Dios ñu'isaivũ kueñe ñu'iu phairi aijekũ Repaũni cho'oche cho'okaiũ sseekaimũ Repaũ maire. Pãï cho'omanesivũ'ea'me repavũ'e.

³ Ija'chea'me judío phairi aina cho'ochē: Pāi repāna cu'ache cho'osi'e ro'iñu chini ĩsimajñaruãna'me Dioni pojoñu chini repāna ĩsimajñaruã Repau'te ĩsikaime. Jã'ajekuna Jesús maire phairi aijeku sēekaiu mai cu'are ro'ikasa chini Repau meñe ĩsi jñni ro'ikanasomu maire.

⁴ Repauji icheja chejare pani phairi pa'imanera'amu, ũcuare phairipāi jainuko pa'ijana, Dios aperumu chũũna pāi rache'te ĩsia'ju chini jñaacojñosina.

⁵ Repāna phairipāi icheja cheja pa'ivũ'e Dios vũ'e pa'iju cho'ochē cho'okaina cunaumu pa'ivũ'e Dios vũ'erepare Moiseni ñokuna ña chēa ũcuajavũ'e cho'osivũ'ere cho'ochē cho'ome. Cunaumure Dios vũ'erepa pa'imũ. Aperumu Moisés repau chuta'a va'i ca'nipi Dios vũ'e cho'omarumu ija'che i'kaasomu Dios: “Chu'u vũ'e cho'oni peore chu'u mũure ñosivũ'e cunaumu pa'ivũ'ēja'che cho'ojũ'u”, chiniasomu.

⁶ Repāna phairipāi re'oja'che cho'okaisinaa'me maire. Jã'ata'ni Jesús maire na'a ruã re'oja'che cho'okaimũ. Ũcuaja'che Dios Moisere aperumu maini kuaa'ku chini i'kasi'e, “Ija'che cho'oñu”, chiisi'e re'oja'che cho'okaisi'kuamũ maire. Jã'ata'ni mamare, “Ija'che cho'oñu”, chiisi'ere Jesucristoji cho'okakuna chura Repau maire na'a ruã re'oja'che cho'okaimũ, “Musanukonare na'a ruã re'oja'che cho'okaija'mũ”, chiisi'e.

⁷ Charo, “Ija'che cho'oñu”, chiisi'epi karama'to na'a ruã re'oja'chere ku'emānera'ame pāi.

⁸ Jã'ata'ni Diopi ñato repāna pāi pa'iche karaasomu. “Re'oja'che pa'iche karamũ inare”, chini

ija'che i'kaasomꞫ RepaꞫ:

Asarepajũ'Ɜ.

Na'a pa'isirꞫmꞫ chꞫ'o mamare, "Ija'che cho'oñu",
chijja'mꞫ chꞫ'Ɜ musanꞫkonare,

Judá jojosinana'me Israel chĩi chekꞫna jo-
josinare.

⁹ ReparꞫmꞫ repana aipãi chꞫ'Ɜ Egipto cheja ma'a
pikopi re'oja'che ñokꞫna

etua rarꞫmꞫ i'kasi'eja'che i'kamaneja'mꞫ chꞫ'Ɜ
repanare.

Repanare Egipto cheja pa'isinare chꞫ'Ɜ chũ'ũñe
jachasinajejuna sējosi'kꞫa'mꞫ chꞫ'Ɜ.

Pãi ŨcuanꞫkore PaakꞫji i'kamꞫ chꞫ'Ɜ jã'a.

¹⁰ Na'a pa'isirꞫmꞫ Israel jojosinare mamare,
"Ija'che cho'oñu", chijja'mꞫ chꞫ'Ɜ, Pãi
ŨcuanꞫkore PaakꞫ.

Repana rekoñoõare chꞫ'Ɜ chũ'ũñe paaa'jꞫ chini
cho'okaija'mꞫ chꞫ'Ɜ repanare.

ChꞫ'ũni Dioni masi cuasajꞫ chꞫ'Ɜ neena
pa'ijanaa'me repana.

¹¹ ReparꞫmꞫ pãipi repana majarpãina'me
repanare kueñe pa'inare,

"Dioni jovojuũ'Ɜ", chijjꞫ ũcuamakarꞫ
chꞫ'vajanaa'me,

repanare ũcuare che'chochiima'ñe ũcuanꞫko
chꞫ'ũre jovonachi'a pa'ijuna,

chꞫova'na pa'iva'nana'me pa'ipãi.

¹² Repanapi chꞫ'ũni cuasajuna repana cu'ache
cho'osi'e peore tꞫnoso jo'e cuasama'ñe
cavesꞫsoja'mꞫ chꞫ'Ɜ,

chinasomꞫ Dios.

¹³ Dios, "Ija'che cho'oñu", chiisi'e mamapi
pa'ina aperiꞫmꞫ RepaꞫ, "Ija'che cho'oñu",

chiisi'e jo'kasosi'ea'me. Aireko jũ'iñeja'ñe
si'asopi'ramũ repa.

9

*Dios vñ'e cñamũ pa'ivũ'ena'me cheja
pa'ivũ'e pa'iche'te kñamũ*

¹ Dios aperũmũ, “Ija'che cho'oñu”, chiisi'e
Repaũ chũ'ũ jo'kasi'e cho'orũmũ maire cho'oche
rũa cuaja pa'isi'kũa'mũ, Repaũ vñ'e cheja pa'ivũ'e
cho'ochena'me Repaũ'te pojoche.

²⁻³ Dios vñ'e aperũmũ Repaũji chũ'ũna
va'i ca'nipi cho'o nũkoasome pãi. Ruu
te'eka'chaparuu paniasomũ repavũ'e.
Tijñapa caruupũ'te judío phairipãichi'a
kakare'oruupũ'te ñoñõã pa'isaivũna'me
mesako'ana'me pãpũã Diore jo'kasipũã pa'iko'a
paniasomũ. Na'a sa'navũ'te kãa ruikãari jeo
ta'pisiruupũ judío phairi aichi'a kakare'oruupũ
paniasomũ.

⁴ Reparuupũ kakasa'aro kueñere mesako'a
ma'ña ñoko'a si'acako'a pachokuripi je'nasiko'a
paniasomũ. Ũcuaruupũ na'a sa'navũ'te cãjovũ
Dios, “Ija'che cho'oñu”, chiisi'e tochasi'e pa'ivũ
pachokuripi si'ache repakã'jño je'nasi'vũ
paniasomũ. Repavũ sa'navũ'te churupũ
pachokuri cho'osi'pũ pãi peocheja ku'isina
manacã mañasi'pũna'me Aarón vãsocho
koropi'rasi'chona'me catako'ña Dios chũ'ũñe
tochasiko'ña mañaasomũ.

⁵ Repavũ sã'sevũ'te tũosiva'na Diona'me
pa'iva'na ángelejava'na kue'chaka paava'na
nũkaasome, pãi cu'ache cho'osi'e ro'icheja

sē'sevu'te. Jã'ata'ni chura repavũ'e pa'iche peore na'a rũa kuacu'amũ jã'a.

6 Jã'aja'ñe cu'amajñaruã peore masi care'va pi'ni repavũ'e Dios vu'e tijñapa caruupuchi'a si'arumu kakaju paniasome repana judío phairipãi, Diore pojojũ cho'omajñaruãre cho'ojũ.

7 Na'a sa'navũ pa'iruuputa'ni judío phairi airechi'a te'eũsurumu pa'iche te'echo kakare'oasomu. Repau'te jo'cha va'iva'na chie peou kakacu'aasomu reparuupu, repau cu'ache cho'osi'ena'me chekuna pãi vesujũ cu'ache cho'osi'e ro'ire ro'ikasa chini kakaku'te.

8 Jã'aja'ñe pa'isi'e maire Dios Rekochoji iere kuakuna masime mai: Chekunani repavũ'e tijñapa caruupuchi'a kakare'okuna, na'a sa'navũ pa'iruupu kakacu'akuna, kakama'ñe pa'ijuna Diore ja'me pa'icu'aasomu, charo cho'osivũ'e chuta'a pa'irumu.

9 Jã'api Dios maire iere ñokũ che'chomu: Pãi Dioni pojoñu chini Repau'te ñiche cu'amajñaruãna'me jo'cha va'iva'nare repana cu'ache cho'osi'e ro'ire ro'iñu chini phairipãire sa ñinareta'ni repana rekoñoã re'ojarekoñoã care'vacu'aasomu.

10 Æu te'emajñaruãchi'a ãiñena'me te'emajñaruãchi'a ũkuche cu'are tunoñu chini cho'oche sē'sevũ cho'ochechi'a paniasomu. Jesucristo rani cho'okaijache mama pa'iche Dios maire jo'karumujatu'ka cho'osi'easomu jã'a.

11 Jã'ata'ni chura Cristoji rani mai cu'are jũni ro'ikani cunaumuna jo'e mũni Dios vu'erepare pãi cho'omanesivũ'e rũa re'ojavũ'ere pa'iu

si'ache re'oja'che cho'okaiꝯ pa'imꝯ maire mama phairi aijekꝯ.

¹² Dios vꝯ'erepare kaka pa'ia Repꝯ Jesucristo pꝯi cu'ache cho'oche chivo chiepi, vacachꝯi chiepi ro'ikaimanesi'kꝯa'mꝯ. Rurꝯ, Ũcuꝯ chiepi maire pꝯi ũcuanꝯkore te'echoji mai cu'a ro'ikanasomꝯ Repꝯ, Dios neenachi'a pa'ijꝯ, Repꝯna'me ai paarꝯ chini.

¹³ Vacachꝯio'te ꝯosi'po ũhacꝯtaꝯoji phairipꝯipi okona maña popa pꝯi cu'ache pa'inani chivo chiena'me toro chiena'me sa'faru cu'a tꝯnꝯsoasomꝯ repanare.

¹⁴ Jꝯ'aja'ñejekꝯna Jesucristo Dios Rekochoji cho'okaiꝯna Repꝯ jꝯamakaruꝯjꝯ'e cu'achejꝯ'e Peoꝯji meñe Dioni ĩsisi'ejekꝯna Repꝯ chie raosi'epi mai vati toa saina cu'ache cuasajꝯ cho'oche masi tꝯnokaimꝯ, maipi re'ojarekoñoãre paajꝯ Dioni Si'arꝯmꝯ Pa'ikꝯni cuasajꝯ Repꝯni cho'oche'te cho'okaiꝯjꝯ paarꝯ chini.

¹⁵ Jꝯ'ajekꝯna Dios maire Jesucristo chie raosi'epi mai rekoñoã re'ojarekoñoã cho'okaiꝯ Repꝯ mamare, "Ija'che cho'oñu", chiisi'epi cho'ocuhasi'ejekꝯna Repꝯ, "Re'oja'che ĩsija'mꝯ chꝯ'ꝯ", chiisi'e koojanaa'me mai Repꝯ chꝯasina. Ũcuachi'a aperꝯmꝯ, "Ija'che cho'oñu", chiisi'echi'a cuasarꝯmꝯ mai cu'ache cho'osi'e peore jꝯni ro'ikanasomꝯ Repꝯ Jesucristo.

¹⁶⁻¹⁷ Pꝯi repana jꝯnisosirꝯmꝯ repana paasimajñaruã cho'ojachere chꝯ'ꝯjꝯ utija'o tocha jo'kame. Jꝯ'ata'ni repana chuta'a jꝯ'imarꝯmꝯ jꝯ'aja'ñe chꝯ'ꝯjꝯ tochasi'e chuta'a

jo'kacu'amụ chekụnare. Jā'ajekuna pāipi repana chũ'ujụ tochasi'ere cho'oñu chini aperụmụ repana jūnisosi'ere masi kụache pa'imụ, cho'ore'oa'kụ chini.

¹⁸ Jā'ajekuna Dios aperụmụ, “Ija'che cho'oñu”, chiiụ chũ'ụ jo'kasi'e ũcuaja'che cho'ore'osi'kụ'amụ, jo'cha va'iva'na chie rao jūnisosi'ejekuna.

¹⁹ Moisés repa'ute ja'me pa'inare pāi ũcuanụkore Dios chũ'ụñe peore kụa pi'ni oveja raña maajaraña cho'osisụovuna'me hisopojū'avụ mini vacachī chiena'me chivo chie okona popa ja'mesira'kana chũụ Dios chũ'ụñe tochasikorovụ utija'okorovuna sa'fakụ pāi ũcuachi'a ũcuanụkore sa'faasomụ.

²⁰⁻²¹ Ūcuaja'che Dios vụ'e sa'fakụ repav'e sa'navụ pa'imajñarụã Diore pojojụ cho'omajñarụã peore sa'faasomụ repa. Jā'aja'ñe cho'o pi'ni ija'che i'kaasomụ repa: “Ie chiere ña mụsanụkonare Dios, ‘Ija'che cho'oñu’, chiiụ chũ'ụ jo'kasi'e cho'okaiche'te cuasajũ'ụ”, chiniasomụ.

²² Dios chụ'o tocha jo'kasi'e jo'cha va'iva'na chiepi Diore ĩsimajñarụãna'me pāi cu'a sa'fa tūnoñe rụa chũ'ụmụ. Chie rao jūni ro'ikaikụ peoto cu'a tūnoñe peora'amụ.

Jesucristo jūni ro'ikaisi'ejekuna cu'a tūnososi'ea'me

²³ Dios vụ'e cheja pa'ivụ'e Diopi chũ'ụna Repa vụ'erepa cūnaụmụ pa'ivụ'e repanani ñoona ña chēa ũcuajavụ'e cho'osivụ'e pāire kakare'oa'kụ chini repana cu'a jo'cha va'iva'na

chiepi judío phairipāipi sa'fakaijuna tūnoasomū Dios. Jā'ata'ni cūnaumū pa'ivū'e Dios vū'erepa kakana cu'ache pa'iche na'a re'oja'chepi Mamakū chiepi tūnosi'easomū.

²⁴ Jesucristo Repaū chie raosi'e Dioni ĩsira chini Dios vū'e cūnaumū pa'ivū'e Dios vū'erepare ñokūna ña chēa pāi ũcuajavū'e cho'osivū'ena kakamanesi'kūa'mū. Dios pa'ichejana cūnaumūna mūni kakaasomū Dioni ti'jñeñe ñakū ñu'iu maini sēekasa chini.

²⁵ Judío phairi ai na'a sa'navū pa'iruupū ũsurūmū pa'iche jo'cha va'iva'na chiere cuaa ĩsiku pa'icheja'che Jesucristo cūnaumū kaka Repaū chiere si'arūmū Dioni ĩsiku pa'ima'mū.

²⁶ Jā'aja'ñe cho'oa'kū chini jo'kasi'e pa'ito Jesucristo mamarūmūpi irūmūjatū'ka si'arūmū jūni ro'ikaiū pa'ira'amū. Jā'ata'ni Repaū mamare, "Ija'che cho'oñu", chiisi'ere cho'ore'orūmūna churana rani Repaūji meñe ĩsi mai cu'a te'echoji jūni ro'ikaisi'kūa'mū.

²⁷ Maire ũcuachi'a te'echo jū'iñe pa'imū. Jū'isirūmū mai vajurūmū cho'osi'ere Diopi ña ro'iche'te chū'ua'kū chini Repaū'te ti'jñeñe nukache pa'imū maire.

²⁸ Ũcuaja'che Jesucristo te'echoji mai cu'a jūni ro'ikaisi'kūa'mū, Puka'kū Diopi mai cu'ache cho'osi'ere jo'e cuasamanea'kū chini. Jā'aja'ñe cho'osi'kupī jo'e cajeja'mū Repaū icheja. Jā'arūmūta'ni mai cu'a jo'e jūni ro'ikaimaneja'mū Repaū. Rani maire Repaū'te cuasajū cha'anarechī'a chēa saja'mū Repaū, re'oja'chere koo Ũcuauña'me si'arūmū paarpū chini.

10

¹ Moisés aperum chũ'usi'e na'a pa'isirum re'oja'che pa'ijache maire apekũachũ'o paniasomũ. Ũcuare ñajũ cho'ojũ che'cheajũ chini jo'kasi'ejekũ re'oja'che pa'iche ũcuarepa pa'imaneasomũ jã'a. Jã'ajekũna repa chũ'usi'ere cho'ojũ ũsurumũ pa'iche jo'cha va'iva'nare ũcuajava'narechi'a Dios vũ'ena ra jo'kanareta'ni jmamakarũjẽ'e repanare re'ojarekoñõã care'omaneasomũ.

² Repa chũ'ũ jo'kasi'ere cho'ojũna repa na cu'ache cho'osi'ere te'echoji tunosokaito re'oja'che pa'ijũ repa na cu'ache cho'oche, "Ro'iche paame mai", chiima'ñe pa'ijũ repa na cu'are ro'iñũ chini va'iva'nare ra ïsiche cuhasora'ame repa na.

³⁻⁴ Jã'ata'ni repa chũ'ũ jo'kasi'e toro chiena'me chivo chie sa'fache pãĩ cu'ache cho'oche tunosokairepamaũna ũsurumũ pa'iche jo'cha va'iva'nani ra ïsijũ repa na cu'ache cho'osi'ere cuasame.

⁵ Jã'ajekũna Jesucristo cheja raipi'rarumũ Diore ija'che i'kaasomũ:

"Ja'kũ, pãĩ paamajñarũã jo'cha va'iva'nana'me cu'amajñarũã mũ'ũni ïsijũna uosokaiche chiima'kũa'mũ mũ'ũ.

Jã'ajekũna chũ'ũpi chejana sani pãĩũ paaũ chini care'vakaisi'kũa'mũ.

⁶ Pãĩ, repa na cu'ache cho'osi'e ro'iñũ chini ïsijũna uosomajñarũã ñani pojoma'kũa'mũ mũ'ũ.

⁷ Jã'ajekũna chũ'ũ mũ'ũre ija'che i'kasi'kũa'mũ: "Ja'kũ, chũ'ũre saojũ'ũ. Mũ'ũ chiiche'te sani cho'okasa chiimũ chũ'ũ.

Mu'u chu'o pa'ikorovu chu'u pa'ijachere kuaju tocha jo'kasi'ere sani cho'ora chiimu chu'u', chiisi'kua'mu chu'u", chiniasomu Repau.

Jã'aja'ne chiimu Dios chu'o tocha jo'kasi'e.

⁸ Ija'chea'me Repau charo i'kasi'e: "Pãi repana cu'ache cho'osi'e ro'ire ro'iñu chini jo'cha va'iva'nana'me cu'amajñaruã ra ãsijuna uosochẽ chũ'usi'kuta'ni ña pojoma'kua'mu mu'u, repare chiimau", chiniasomu.

⁹ Jã'api jo'e ija'che i'kaasomu: "Chu'ure saojũ'u. Mu'u chiiche'te sani cho'okasa chiimu chu'u", chiniasomu. Repau cho'okasa chiisi'e ija'chea'me: Pãi aperumu Dioni pojojũ cho'osi'ere sãjosokani mamare jo'kasi'kua'mu, Repau jũni ro'ikaisi'ere cuasaju re'oja'che paapu chini.

¹⁰ Repau cho'ora chiisi'e cho'okũ Repau meñe Dioni ãsi te'echoji mai cu'a jũni ro'ikaisi'ejekuna, mai Repau neena re'ojarekoñoã cho'ocojñosinaa'me.

¹¹ Phairipãi ũcuanũko umucujña pa'iche nũka ku'ijũ cuhama'ne cho'oche cho'okaiju pa'ime Dios vũ'e. Pãi repana cu'ache cho'osi'e ro'iñu chini ãsimajñaruã si'arumu ũcuajamajñaruã ra ãsirena Dioni ãsikaiju pa'ime, repana cu'a jma-makarũjẽ'te tunosokaima'ñeta'ni.

¹² Jesucristota'ni meñe ãsi te'echoji mai cu'a jũni ro'ikani Dios ñu'isaivũ kueñe pũuasomu.

¹³ Repau ũcuachejare ñu'iu Pũka'kũ Diopi cho'okaiuna Repau'te cuhena peore Repau chũ'uñe cho'orumu'jatũ'ka cha'aja'mu.

¹⁴ Maire Dios neenare Repauji meñe ãsi

te'echoji ro'ikani mai rekoñoõ si'arumũ na'a rua re'ojarekoñoõ paaa'jũ chini care'vakaisi'kua'mũ.

¹⁵ Ũcuachi'a jā'aja'ñe pa'ijachere kuajũ Dios chũ'o pa'ikorovũna ija'che chiiche tocha jo'kaasome pãĩ repanani Dios Rekochoji kuakũna:

¹⁶ "Na'a pa'isirumũ chũ'u repanare mamare 'Ija'che cho'oñu' chiijache ija'chea'me:

Repana rekoñoõre chũ'u chũ'uñe paaa'jũ chini cho'okaija'mũ chũ'u repanare.

¹⁷ Ũcuachi'a repaña cu'ache cho'oche peore tunoso jo'e cuasama'ñe cavesũsoja'mũ chũ'u", chiniasomũ Dios, chiimũ repa tocha jo'kasi'e.

¹⁸ Jā'aja'ñejekũna pãĩ repaña cu'ache cho'osi'e ro'iñu chini cu'amajñaruã ra ïsiche peomũ chura, ũcuare mai cu'ache cho'oche peore ro'ikaisi'ejekũna.

Dioni cuasajũ vajuchũma'ñe sēejũ pa'iche'te kũamũ

(Mt 27.45-56; Mr 15.33-41; Lc 23.44-49; Jn 19.28-30)

¹⁹ Asarepajũ'u, chũ'u majapãijana. Maire Jesucristoji chie rao jũni ro'ikaisi'ejekũna Diona'me pa'ijũ sēevajuchũma'ñe Ũcuañi teana sēere'omũ maire chura.

²⁰ Repañ maire jũni ro'ikairumũ Dios vũ'e na'a sa'navũ pa'iruupũ jeo tũsũsikãa rũikãa Diopi cho'okũna umũpi vũ'evũna che're cajeasomũ, Diona'me kaka pa'iche ũsesiruupũ jeosikãa. Chura Repañi jachama'ñe cuasajũ Repañna'me re'oja'che pa'inajejũna maire ñarumũ Repañi

sēeto mai cu'ache cho'osi'ejē'e cuasama'ñe asamu Repau, cho'okaisi'kujeku.

21 Repau Jesús phairipāi ũcuanuko aijeku Puka'kuni maire Repau'te pojonare sēekaiu re'oja'che paaku chũ'uku pa'imu.

22 Jã'ajekuna maire Repau oiũ re'oja'che cho'okaisi'ena'me chura cho'okaichejekuna mai rekoñoã oko re'oja'chepi tu'ne choasokaisirekoñoãja'ñe paaju, re'oja'che pa'iju, Diore sēevajuchuma'ñe, jachama'ñe masi cuasaju ũcuarepare sēeju paũ.

23 Maire, "Re'oja'che cho'okaija'mu", chiisi'ku Diopi ũcuarepa cho'okujekuna jmamakarujē'e jachaju jo'kasoma'ñe cuasaju maire Repau re'oja'che cho'okaijachere pojoju cha'aju paũ mai.

24 Ũcuachi'a sãĩnechi'a, "Re'oja'che paũ mai", chiiju, si'arumu na'a rna cuasaju sãĩnechi'a re'oja'che cho'okaiju paũ mai ũcuanuko.

25 Ũcuachi'a Diore chi'i pojoche ũhasoma'ñe ũcua chi'iju paũ. Musanukonare ja'me pa'ina cho'ocheja'che cekuna te'ena ũhaso pa'icheja'che pa'ima'ñe si'arumu chi'iju, "Jesure ũcua cuasaju paũ mai", jã'aja'ñe sãĩnechi'a i'kaju paũ; Dios mai cho'osi'e ro'iche chũ'arumu tĩ'api'ramu.

26 Diopi cho'okaiuna maipi Repau chu'o ũcuarepare asa chēasinata'ni re'oja'chere cho'ocuheju cu'are ũcua cho'oju pa'ito mai cu'ache cho'oche jo'e ro'ikaiche peomu.

27 Jã'aja'ñe pa'inare cuasavajuchuacheji repa na cu'ache cho'ocojñoja'ñe pa'imu. Repa na

cho'osi'e ro'ia'jũ chini Diore cuhena uchejana vati toana saоче pa'imũ.

²⁸ Pãi aperũmũ Diopi jo'kaũna Moisés chũ'ũ jo'kasi'ere jachajũ cuhenare repana cho'оче'te ña chotena chekũrũmũ te'eka'chapana kũa jñaurena ũcuanũko repanarejẽ'e oima'ñe vanisoasome.

²⁹ Jã'ata'ni pãi Dios Mamakũni cuhejũ repana cu'a ro'ikaisi'ere Jesucristo chie, “Cu'amũ jã'a”, chiiijũ, Dios Rekocho cho'okaiche'te cu'ache i'kana na'a rũa cu'ache cho'ocojñojanaa'me, Repaũ'te cuhejũ cu'ache i'kasi'e ro'i. Jesucristo Repaũ chiepi mai cu'are ro'ikaiũ Dios mamare, “Ija'che cho'oũu”, chiisi'e cho'ocuhasi'kũa'mũ.

³⁰ Maire Paakũ ija'che i'kasi'e masime mai: “Pãi cu'ache cho'оче ro'i chũ'ũni chũ'ũñe pa'imũ, ro'ia'jũ chini. Chũ'ũ cho'оче'me jã'a”, chiniasomũ. ũcuachi'a ija'che i'kaasomũ Repaũ: “Chũ'ũ Pãi ũcuanũkore Paakũ chũ'ũ neena cho'оче cuasa ña repana cu'ache cho'osi'e ro'iche chũ'ũja'mũ”, chiniasomũ.

³¹ ¡Repaũ Dios Si'arũmũ Pa'ikũ pe'rukũ cu'ache cho'osi'e ro'i chũ'ũjañe cuasajũ vajũchũjũ'ũ!

³² Mũsanũkona Jesucristo'te cuasache kuachũ'o asa chẽa Repaũ'te apescuasarũmũ pa'isi'e cuasajũ'ũ. Reparũmũ rũa cu'ache ti'jñetota'ni Repaũ'te cuasache ũhasoma'ñe ũcua koka paajũ cuasajũ paniasome.

³³ Mũsanũkona te'ena pãi jainũko ñajũ'te te'eñoã rũa pe'rucojñojũ cu'ache cho'ocojñoasome. ũcuachi'a mũsanũkonare ja'me pa'inapi te'eñoã cu'ache cho'ocojñojũna repanare ña oijũ cho'okaniasome mũsanũkona.

34 Pāi chēavū'e cuaocojñosiva'nare oijū kuiraasome mūsanukona. Ūcuachi'a Jesure cuasanajejūna cu'amajñaruā pāire tatesocojñosiva'nata'ni ūcua pojojū paniasome mūsanukona reparumū, na'a pa'isirumū na'a re'oja'che si'arumū pa'iche koojachere cuasajū.

35 Mūsanukona Maire Paaku'te Jesure sēevajuchūma'ñe cuasajū pa'iche jo'kasomanējū'ū. Jo'kasoma'ñe pojojū Repaūni cuasajū re'oja'che pa'iche ro'i Dios mūsanukonare ruā re'oja'chere īsija'mū.

36 Pa'ivesacheta'ni ūcua koka paajū Jesure cuasache ūhasoma'ñe pa'ijū Dios chiiche'te cho'ojū'ū, Repaū īsija'mū chiisi'ere kooñu chini.

37 Dios chū'o tocha jo'kasi'e pa'ikorovū Repaū Mamaku pa'ijache ija'che kuamū: Icheja cheja Raijau na'mi raija'mū. Cha'ajū'ū Repaū'te.

38 Chū'ū neena chū'ūni cuasajū re'oja'che pa'inajejū chū'ūna'me si'arumū re'oja'che pa'ijanaa'me.

Jā'ata'ni cu'ache ti'jñe'ñe'te vajuchujū chū'ūre cuasache jo'kasosinare pojomanēja'mū chū'ū,

chiimū.

39 Maita'ni cu'ache vajuchumaru Repaū'te cuasache jo'kasomanajejū vati toa sani cho'osoma'ñe Repaūna'me ai pa'ijanaa'me, ūcua cuasajū pa'inani.

11

Aperumū pa'isina Diore cuasana pa'isi'ere kumatū

1 Diore cuasache ija'chea'me: Repaṁ, “Jorema'ñe re'oja'chere ĩsija'mṁ”, chiisi'ere jachama'ñe cuasajṁ, “Īsirepaja'mṁ Repaṁ”, chiijṁ masijṁ pojojṁ cha'ame mai. Ūcuachi'a Repaṁ, “Jorema'ñe cho'okaija'mṁ chṁ'ṁ”, chiisi'e chuta'a repajē'e ñamanata'ni jachama'ñe cuasajṁ, “Cho'okaija'mṁ Repaṁ”, chiijṁ masime mai.

2 Mai aipāi pa'isina jā'aja'ñe jachama'ñe cuasajṁna Dios repanare pojokṁ re'oja'che cho'okaiṁ paniasomṁ.

3 Mai Repaṁ'te cuasanajejṁ ñoma'ñere Repaṁ chṁ'ochi'a i'kakṁ chṁ'ṁñeji cho'osi'e masime mai, irṁṁ pa'iche peore cṁnaṁṁna'me cheja.

4 Mai aipāi te'ena Repaṁ'te cuasanajejṁna repanare cho'okaniasomṁ Dios. Abel Repaṁni cuasakṁ Ūcuauji cho'okaiṁna Repaṁni pojokṁ majaa'chṁ Caín ĩsiche na'a re'oja'chere ĩsiasomṁ. Repaṁ'te cuasakṁ ĩsisi'ejekṁna Dios ña pojokṁ, “Re'oja'che cho'omṁ ikṁ”, chinasomṁ. Jā'aja'ñe Dios chiiche masi cho'okṁ Repaṁ'te pojosi'kṁjekṁna jūnisosi'kṁreta'ni irṁṁjatṁ'ka repaṁ cho'osi'ere cuasajṁ Diore pojochē che'chere'omṁ maire.

5 Enoc ūcuachi'a Diore cuasakṁjekṁ Ūcuauji cho'okaiṁna jūnisoma'ñe vajṁuji cṁnaṁṁna sasocojñomasomṁ. Repaṁ'te pāi ku'ete'easome Dios sasocojñosi'kṁni. Chuta'a repaṁ sasocojñomarṁṁ, “Dios pojocojñokṁ'mṁ ikṁ”, chicojñokṁ paniasomṁ repaṁ.

6 Maipi, “Dios pa'imṁ”, chini Repaṁni cuasajṁ, “Maipi sēeto ĩsija'mṁ Repaṁ mai sēeñe”, chini

Repau'te cuasanarechi'a Ũcuauña'me re'oja'che pa'ire'omũ. Repau'te cuasanare pojokũ'mũ Dios.

7 Noé ũcuachi'a Diore cuasakũjekũ Ũcuauji cho'okaiũna pãi chuta'a ñama'ñere Repau Dios cho'opĩ'rache'te cho'osovajũchũache'te kũauña asa kũkũ jachama'ñe choovũ rũa ujavũ cho'oasomũ, repau rãjona'me mamachĩina'me varomi runisomaneñũ chini. Jã'aja'ñepi chekũnare pãi repana Diore jachache cho'o ñoasomũ repau. Ũcuachi'a jã'aja'ñe cho'oũna Dios repau'te rũa pojokũ re'oja'che pa'iche ïsiasomũ, repau rekocho Repau'te masi cuasache'te cho'o ñoũna.

8 Abraham ũcuachi'a Diore cuasakũjekũ Ũcuauji cho'okaiũna Repau soiche asa jachama'ñe repau saichejajẽ'e vesukũta'ni repau pa'icheja eta sanisoasomũ, Repau ïsira chiichejare sani koora chini.

9 Ũcuachi'a Diore cuasakũjekũ Ũcuauji cho'okaiũna Repau ïsija'mũ chiisichejare sani pa'iu, "Jmamakarũ pa'ija'mũ", chini chivo rañapi cho'osivũ'ñare paniasomũ repau. Mamakũ Isaana'me majanajeũ Jacob ũcuaja'che Dios ïsija'mũ chiisi'e asasinajejũ ũcuaja'che chivo rañapi cho'osivũ'ñare paniasome.

10 Repau Abraham na'a pa'isirũmũ pa'ijajoopo Dios ija'che cho'ora chini cho'osijooopo cũnaũmũ ai pa'ijajoopo'te cha'akũ paniasomũ.

11 Ũcuachi'a Diore cuasakũjekũ Ũcuauji cho'okaiũna repau rãjore Sarare chĩi peosi'koreta'ni, chĩi paaasomũ repau, aiva'uta'ni,

“Dios chũ're cho'okaija'mũ chiisi'e ũcuarepa cho'okaija'mũ”, chini jachama'ñe cuasakũjekũ.

¹² Jã'aja'ñe cho'o Abraham aiva'ũpi paa jojosina chura cũnaũmũ pa'ina ma'jñokojanũkojejũ kuẽkuecu'ache rũa jainũkoa'me. Ũcuachi'a chiara mejavũ pa'icaã mejacaãjanũkojejũ kuẽkuecu'ache jainũkoa'me repaña.

¹³ Repaña pãi ũcuanũko vajũna pa'irũmũ Diore cuasajũ pa'isinata'ni Repaũ ĩsija'mũ chiisi'e peore kooma'ñe jũnisoasome. Jã'ata'ni Diore cuasanajejũ Ũcuajũ cho'okaiũna repaña koomanesi'e so'opi ñajũ pojocheja'che cuasajũ pojoasome repaña, “Na'a pa'isirũmũna koojanaa'me mai”, chini cuasajũ. Ũcuachi'a cheja repaña jmamakarũ pa'ijachere masijũ jũnisosirũmũ pa'ijachejare cutujũ paniasome repaña, cheja Dios ĩsisicheja pa'inata'ni.

¹⁴ Pãi, repaña ai pa'ijachejare cuasajũ jã'aja'ñe i'kana, “Icheja mai jmamakarũ pa'ijachejajekũ mai ai pa'imanejachejaa'me”, chini cuasajũ kũarena masime mai.

¹⁵ Repanapĩ mamachejare sani pa'ijũ aperũmũ repaña pa'ijũ eta raisichejare cuasajũ pa'ito co'ire'ora'asi'kũa'mũ repañare repacheja.

¹⁶ Jã'ata'ni repaña jã'achejajẽ'e cuasama'ñe na'a re'ojachejare repaña cũnaũmũ ai sani pa'ijachejare cuasajũ paniasome. Jã'ajekũna repanapĩ, “Maire Paakũ'te Diore cuasanaa'me chũkũna”, chiito pojoasomũ Repaũ. Repaũ repañare pojoche'te cho'o ñokũ repaña pa'ijajoopo vũ'ejoopo care'vakianasomũ Dios.

¹⁷ Dios Abrahamre Repaũ'te masi cuasache'te

cho'o ñara chini ija'che chũ'uasomũ: "Mũ'ũ neekũre Isaare chũ'ũni ïsiku vani uosojũ'ũ", chiniasomũ. Chikũna Abraham Repaũ'te cuasakũjekũ asa jachama'ñe Ũcuauji cho'okaiũna Repaũ, "Re'oja'che ïsija'mũ chũ'ũ", chini ïsikũna koosiva'ũni ũcuate'eũni vanisopi'raasomũ, Ũcuauji chũ'ũna.

18 Dios aperũmũ ija'che i'kaasomũ repaũ'te: "Mũ'ũ jojosiñare rũa jainũkore paaja'mũ mũ'ũ, Isaapi jojouũna", chiniasomũ.

19 Jã'aja'ñe i'kacojñosiva'ũreta'ni Abraham Dioni cuasakũ, "Jũnisosinarejẽ'e vaso-masikũ'mũ Repaũ", chini cuasa mamakũ'te Isaare vanisopi'rakũni jo'e Ũcuauji ũseũna vaimaneasomũ. Jã'ajekũna Abraham repaũ mamakũ'te Isaare chuenisora'asi'kũjekũna vajũraisi'kũre paacheja'che paaasomũ.

20 Isaac ũcuachi'a Diore cuasakũjekũ Ũcuauji cho'okaiũna na'a pa'isirũmũ Dios re'oja'che cho'okaijachere masikũ mamachĩi kũa jo'kaasomũ, Jacobna'me Esaure.

21 Jacob ũcuachi'a Diore cuasakũjekũ Ũcuauji cho'okaiũna repaũ jũ'ipi'rarũmũ na'a pa'isirũmũ Dios re'oja'che cho'okaijachere masikũ José mamachĩire kũa jo'kakũ vãsochoji jũvo ñu'iu Diore pojoasomũ.

22 José ũcuachi'a Diore cuasakũjekũ Ũcuauji cho'okaiũna repaũ jũ'ipi'rarũmũ Dios, "Ija'che cho'oja'mũ chũ'ũ", chiisi'ere cuasakũ ija'che i'kaasomũ: "Na'a pa'isirũmũna mai Israelpãi jojosiña icheja Egipto cheja etarũmũ repaũna sani

pa'ijachejana saijɔ chũ'u tara sa tãa'ju", chiiɔ chũ'u jo'kaasomɔ.

23 Moisés pɔka'kupãi ũcuachi'a Diore cuasanajejɔ Ũcuauji cho'okaiɔna mamava'ure jñaaſirɔmɔ rɔa re'ojava'ujekɔna pãi chũ'ukɔ repaɔa Israelpãi mamachĩi apejñaaſinani ɔmɔchĩiva'narechi'a jñ'a'nu vanisoche chũ'u jo'kasi'eta'ni asa kukɔma'ñe repava'ure chotepãimia chawe paaasome.

24 Repaɔ Moisés ũcuachi'a Diore cuasakujekɔ Ũcuauji cho'okaiɔna repaɔ ainee pi'nisirɔmɔ Egiptopãi chũ'ukɔ mamako'te mamakɔja'iu pa'icuheasomɔ.

25 Repaɔa cu'are cho'oju jmanɔkorɔ pojoju pa'icheja'che pojokɔ pa'iche'te cuhekɔ, Dios neena cu'ache cho'ocojñoñeja'ñe ũcuana'ne pa'iu cu'ache cho'ocojñokɔ pasa chiniasomɔ repaɔ.

26 Ũcuachi'a Egipto cheja pa'iche cu'amajñarɔã re'ojamajñarɔãpi rɔa ro'iche paakɔ pojochejẽ'e chiima'ñe, "Cristo aipãina'me pa'iu repaɔa cutucojñoñeja'ñe cu'ache cutucojñokɔ pa'icheji na'a re'omɔ chũ'ure", chiiɔ cuasaasomɔ repaɔ, Dios repaɔ'te re'oja'che cho'okaijache cuasakujekɔ.

27 Ũcuachi'a Diore cuasakujekɔ Ũcuauji cho'okaiɔna pãi chũ'ukɔ pe'ruchejẽ'e vajɔchɔma'ñe repaɔ cho'ora chiisi'ere ũcuarepa cho'okɔ Egipto cheja pa'isi'kupɔi eta sanisoasomɔ repaɔ, Ñoma'kure Diore cuasakujekɔ.

28 Ũcuachi'a Diore cuasakujekɔ Ũcuauji cho'okaiɔna repaɔre Israelpãi ɔsɔrɔmɔ

pa'iche pascuarumũ cho'oche chũ'u jo'kakũ paniasomũ repaũ. Ũcuachi'a charo canarechi'a Dios jũ'iñe chũ'urumũ Israelpãi chĩpi charo canapi jũnisomanea'jũ chini repana vũaña kakasa'ñaroãna jo'cha va'iva'na chiepi sa'fache chũ'uasomũ repaũ.

29 Repana Israelpãi ũcuachi'a Diore cuasana-jeju Ũcuauji cho'okaiũana Maachiara joopoju ruhi-acho jãkoũana ũcuachejapi jẽniasome repana. Jã'aja'ñe jẽtena ña Egiptopãi ũcuaja'che jẽũu chini okopi jãkosi'epi co'iũana runisoasome.

30 Ũcuachi'a repana Israelpãi Diore cuasana-jeju Ũcuauji chũ'uũana Jericó vũaejoopo si-eterepaumucujña repajoopo pa'iche rũhiso'koro pachu kutena repajoopo je'na pachusiso'koro Ũcuauji cho'okaiũana ñaña tãnisoasomũ.

31 Repajoopo pa'iko Rahab s'ũuromio pa'isi'ko ũcuachi'a Diore cuasakojeko Ũcuauji cho'okaiũana Israelpãi ũcuajoopo'te ñañu chini charo saisinare tijña repao vũaena sa re'oja'che kuirasi'kojeko Dios chũ'uñe jachanare ja'me pa'ikota'ni repanana'me chuenisomaneasomo.

32 Cheke chekũana cho'osi'e na'a rũa kũache paamũ chũ'u ina cho'osi'e: Gedeón, Barac, Sansón, Jefté, David, Samuel, ũcuachi'a chekũana Dios chũ'o kũana cho'osi'e. Jã'ata'ni jã'are peore kũato rũarepaa'me. Repana cho'osi'ere churana kũara chini peore kũara'amũ chũ'u. Iechi'a kũara:

33 Repana te'ena Diore cuasanajeju Ũcuauji cho'okaiũana tĩipãire cava cajejaniasome. Ũcuachi'a chekũana pãi chũ'uũana masi chũ'ujũ

repana neenare sãĩñechi'a cu'ache cho'oche ãseasome. Chekuna ãcuachi'a Dios, “Chũ'uni sēejũ'ũ; cho'okasa”, chini jo'kasi'ere Ũcuauñi sēejũna cho'okaniasomũ. Chekuna ãcuachi'a chai pa'icheja sa jo'kacojñosinata'ni kujñomaru ãũñejẽ'e ãusomaneasome.

³⁴ Chekuna ãcuachi'a uusoajũ chini toana cuaocojñosinata'ni uusomaneasome. Chekuna ãcuachi'a pãipi repanani va'jñapi vanisoñu chiito tã'ta masiasome. Chekuna ãcuachi'a koka peosiva'na kokana carũniasome. Chekuna ãcuachi'a cavavesũva'na pa'isina chekunapi repanani vañu chiito ruu cavamasiasome. Chekuna ãcuachi'a tĩichejña canapi repana neere cava tua sasoñu chini raito kũko saosoasome.

³⁵ Ũcuachi'a romi repana majapãi jũnisosinare vajuratena jo'e paaasome.

Chekunata'ni pãipi repana Diore cuasache'te jo'kasoa'jũ chini vãsopi vaicojñonata'ni Repau'te cuasache Ũcuauji cho'okaiũna jo'kasoma'ñe pa'ijũ chuenisoasome, Repau pa'icheja re'oja'che pa'ijachere cuasajũ.

³⁶ Chekuna pãire cu'ache cutucojñoasome. Chekuna rupũ su'isuecojñoasome. Chekunata'ni pãi chẽavũ'ñana cuua quẽ'ke sũsocojñoasome.

³⁷ Chekunata'ni catapi su'a vẽasocojñoasome. Chekunare serruchova'jñapi ãu chã'te vẽasoasome pãi. Chekunare va'jñapi ju'je vẽasoasome. Chekuna te'ena kãñare peojũ va'i ca'ni kãñare ju'ijũ kuniasome. Chekuna chũova'na pa'ijũ cu'ache ti'jñeũna ku'ijũ cu'ache

cho'ocojñojũ paniasome.

³⁸ Pãi, repanare cu'ache cho'onapi cu'achechi'a cuasajũ repana re'oja'che pa'iche'te ñavesujũ cu'ache cho'ojũna pa'ichejñare peojũ si'arũmu ku'ijũ paniasome repana. Sũki peochejñana'me aikũjñare ku'ijũ, pa'juroãna'me cojña kãijũ ku'ijũ paniasome repana.

³⁹ Dios repanare Repaũni cuasajũna ũcuaukore pojoasomũ. Jã'ata'ni Repaũ, "Re'oja'chere ĩsija'mũ chũ'ũ", chiisi'e te'eũ'terejẽ'e repanare peore ĩsimaneasomũ,

⁴⁰ na'a pa'isirũmũna na'a re'oja'chere maina'me ũcuapa'rũva re'oja'che pa'iche'te kooa'jũ chini.

12

Jesuni masi cuasajũ paũu cho'okaau

¹ Jã'ajekũna cũnaũmũ pa'ina rũa jainũko ñajũna Dios chiiche re'oja'che jo'kasoma'ñe cho'ojũ paũu mai. Vũ'vũna na'a na'mi vũ'vũũ chini repana cãjiñe ũha vũ'vũsome. Mai ũcuaja'che maire cho'oũachechi'a cho'ojũna maini Dios chiiche'te cho'ovesato na'mi vũ'vũna cho'ocheja'che maire cho'oũache ũhasoũu, Dios chiiche'te cho'oũu chini. Ũcuachi'a vũ'vũjũ cãve tãima'ñe vũ'vũũ chini sẽ'sevũ ju'ikãña tĩ'te jo'ka vũ'sajana vũ'vũcheja'che maire cu'ache cho'oũache'te jo'kaso re'oja'che cho'oche kokana paũu mai.

² Jesuni masi cuasajũ paũu mai, cho'okaau. Ũcuauji cho'okaiũna Dios chũ'o asa chẽa jovosinaa'me mai Repaũ'te. Ũcuachi'a

Repauji cho'okaiuna ũcua cuasaju si'arumũ na'a re'oja'che pa'inaa'me mai. Repau Jesús na'a pa'isirumũ pojokũ pa'ijachere cuasakũ, "Pãĩ cu'ache cho'oju chuenisoche vajuchũache'me jã'a", chini cuasa, cuhema'ñe cu'ache cho'ocojñokũ kurususẽ'verona chueniso jũni vajuraisi'kũjekũ cunaumuna mũni Dios ñu'isaiũ uajũtu cakã'kona kueñe puuasomũ.

³ Jã'ajekuna Repau pa'iche'te cuasaju che'cheju pa'ijũ'ũ. Pãĩ cu'ache pa'inare, "Joreũ'mũ iku", chiicojñokũ ruu cu'ache i'kacojñokũta'ni sãĩñe i'kamaneasomũ Repau. Jã'ajekuna pãipi musanukonani jã'aja'ñe i'kato sumava'na pa'iju, "Pani tĩ'añe cuasoma'mũ ie", chiima'ñe cuasaju pa'ijũ'ũ Repau'te.

⁴ Repau'te cuasache'te ũhasoa'ju chini pãĩ cu'ache cho'ocojñonata'ni chuta'a chuenisoma'me musanukona.

⁵ Jã'ata'ni Dios musanukonare Repau neenajejuna chũ'vache ie Repau chũ'o pa'ikorovũna kũaju tocha jo'kasi'e asa cavesusosinaa'me musanukona: Asarepajũ'ũ, chũ'ũ chĩi.

Maire Paakũ musanukonare kukokũ che'choche cuhemanejũ'ũ.

Ũcuachi'a, "Pani tĩ'ama'ñea'me ie", chiimanejũ'ũ Repauji musanukonani cu'are cho'oũseto.

⁶ Dios Repau oinare kukokũ che'chokũ'mũ.

Ũcuachi'a Repau neenare te'eñoã cu'ache ti'jñeñe jo'kamũ Dios, repanapi cu'are jũvomasiju jo'kaso re'oja'che paarũ chini,

i'kache'te cavesusosinaa'me.

⁷ Musanukonani te'eñoã pa'icu'ache ti'jñeto, “Dios maire kukoku che'choku'mu”, chini cuaca cuhemanejũ'u, jã'aja'ñe Repau neenare kukoku che'choku'te. Umupãi chii paana ucuaja'che repaña chii kukoju che'chome.

⁸ Dios Repau neenare ucuanukore kukoku che'chomu. Repauji musanukonani jã'aja'ñe kukoku che'choma'to Repau mamachii peonajeju ja'ku peonaja'ñe pa'ira'ame musanukona.

⁹ Mai chiiiva'na pa'irumu mai ja'kupãipi cheja pa'inapi maini kukoju che'chojuna ña kukuju pa'isinaa'me repanare. Jã'ajekuna mai Ja'kure Diore Cunaumu Pa'iku'te na'a rua Masikuji maire kukoku che'choku'te na'a rua vajuchuju Repana'me si'arumu re'oja'che pañu mai.

¹⁰ Mai icheja jmamakarũ pa'irumu mai ja'kupãipi repanare re'oja'che cho'ore'оче cuasochete cuasaju kukoju che'chome. Diota'ni maire oiũ re'oja'chere che'choku'mu maipi Repau pa'icheja'che si'arumu na'a rua re'oja'che paaru chini.

¹¹ Maipi kuku re'oja'che che'chea'ju chini Diopi cu'ache ti'jñeñe jo'kato repa cu'ache ti'jñerumu pojomanaa'me mai. Rupu oinaa'me. Jã'ata'ni maipi kuku re'oja'chere che'cheni na'a pa'isirumuna pa'iju etajani re'oja'che pojoju pa'ijanaa'me.

Dios chu'o asacuhemanejũ'u

¹² Jã'ajekuna pãi vu'vuju ca'naso repaña jũjñana'me ñukasĩ'ka koka peokuna jo'e na'a rua vu'vuñu chini cho'ochaja'che cho'ojũ Dios

chiiche'te peore cho'ore'ochetu'ka koka paaju cho'oju pa'ijũ'ũ.

13 Ūcuachi'a vu'vuma'a re'ojama'a ro'onarejẽ'e vu'vure'oma'a care'vacheja'che re'oja'chechi'a cho'oju cu'ache cho'omairo pa'ijũ'ũ, musanukonare ja'me pa'inapi Jesure cuasanata'ni re'oja'che pa'ivesunapi ña chẽa ũcuaja'che re'oja'che paaru chini.

14 Ūcuauko musanukona rekoñoã re'oja'che pa'iju Dios chiiche'te re'oja'chere cho'oju pa'ijũ'ũ, Dios neena pa'iche pa'iju. Jã'aja'ñe pa'imaneni Repau'te sani ñamanejanaa'me.

15 Sãinechi'a kuiraju pa'ijũ'ũ, cu'ache cuasokuna te'eujẽ'e Dios oiũ cho'okaisi'ere cuheju chekunani eo ãuñeja'ñe cu'ache cho'oju casu'omaneñu chini.

16 Musanukona umarãi te'eujẽ'e murũjo peoko'te romineejũ pa'imanejũ'ũ. Romi ũcuachi'a muũju peoku'te umaneeju pa'imanejũ'ũ. Ūcuachi'a Dios jo'kache te'eujẽ'e cuhemanejũ'ũ. Jã'aja'ñe cho'oasomu Esau. Ñinechi'a cuasaku Dios jo'kasi'ere puka'ku charo cakujekuna repau'te isijache cuasasi'e jo'kasoasomu.

17 Musanukona repau cho'osi'e masime. Na'a pa'isirumu puka'ku jũnisopi'raku repau'te Dios re'oja'che cho'okaijachere ũcuauji kuakuna asara chiitota'ni kuacuheasomu. Asaneeku ruã oiku'teta'ni care'vachejẽ'e peoasomu repau'te, ũcuare Dios jo'kasi'e cuasache jo'kasosi'kujekuna.

18 Aperumu pa'isina Israelpãi

cho'ocojñoñeja'ñe cho'ocojño cuasaju Diore jovomanesinaa'me mai, Jesucristo'te cuasaju jovosina. Moiseni Repau chũ'uñe'te jo'karumu Diopi aikũtire pa'iu toapi uuku chija'chena'me fe'neñena'me oko rua rache paniasomu.

¹⁹ Jã'aja'ñe cho'orumu trompetavu asochena'me Dios i'kacheji ruarepa asoku vajuchuache asokuna, asa kukuso, "Jo'e i'kamanea'ku Repau", chiniasome repana pãi.

²⁰ Reparumu pãi Diopi jã'aja'ñe rua vjachu'opi i'kaku ija'che chũ'u jo'kasi'ere asa kukuso repakũti kueñe pa'icuheasome: "Musanukona neenapi ũcuauakũji chekurumu cu'ava'upi aikũtina ve'ejaitojẽ'e catapi su'a vëasojũ'u repava'ure. Jã'apãani cunarũji vanisojũ'u", chiisi'ere asani.

²¹ Repakũti rua vajuchuache ñoasomu. Vajuchukuna Moisejatu'ka ña, "Kukucajejani kurukurumu chu'u", chiniasomu.

²² Maita'ni Repau'te Diore Si'arumu Pa'iku'te cuasaju jovosinajehu cunaumu pa'ijoopo Sión aikũti pa'ijoopo mama vë'ejoopo Jerusalén vajuchuma'ñe sani pa'ijanaa'me. Angeles rua jainuko kuẽkuecu'anuko Diore pojojũ chi'isina pa'ichejana saijanaa'me mai.

²³ Ūcuachi'a Dios neekuanupũ'me mai, cunaumu pa'iphũro charo mami tochacojñosina. Diore pãi ũcuaukore repana cho'osi'e peore ro'iche Chũ'ukuni jovosinaa'me mai. Repau'te cuasanajehu Ūcuauji cho'okakuna re'ojarekoñõã paaju jũnisosirumu cunaumuna sani re'ona carũhisina pa'ijanaa'me.

²⁴ Dios mamare, "Ija'che cho'oñu", chiisi'e

Cho'okaisi'kure Jesure jivosinaa'me mai, Repau chiepi rao mai cu'a jūni Ro'ikaisi'kure. Ro'ikaisi'ejekuna Dios Repau'te chie rao Jūnisosi'kuni ña, maire oiũ, "Ro'iche peomu inare", chiniasomũ. Jã'ata'ni Abelre chie rao jūnisosi'kure ña, "Ro'iche pa'imũ ikure Cainre, repau'te vanisosi'kure", chiniasomũ Dios. Maita'ni Jesupi chie rao jūni ro'ikakuna Diore re'oja'che ja'me pa'ime chura.

²⁵ Jã'ajekuna cuasarepaju pa'iju Dios maire i'kache asa jachaju cuhema'ñe pa'ijũ'ũ. Aperumũ pa'isinare Israelpai Dios icheja chejare pa'iu i'kache asa jachajuna rua cu'ache ti'jñeasomũ. Jã'ata'ni irumũ Repau chu'o cunaumũ i'kache'te maipi asa jachato na'a cu'ache ti'jñeja'mũ maire.

²⁶ Moiseni Repau chũ'ũñe jo'karumũ Diopi ruarepa asoche i'kakuna cheja ñũ'kueasomũ. Na'a pa'isirumũ ũcuaja'che cho'ojachere kuaku ija'che i'kaasomũ Repau: "Jo'e te'echo ñũ'kueche cho'oja'mũ chu'ũ. Jã'ata'ni chejachi'a te'echeja ñũ'kueche cho'oma'ñe cunaumũ peore ñũ'kueche cho'oja'mũ chu'ũ", chiniasomũ Repau.

²⁷ "Jo'e te'echo cho'oja'mũ", chiiche ija'che i'kamũ: Diopi cho'oũna cu'amajñarũã Repau cho'osimajñarũã peore si'asoja'mũ. Jã'aja'ñe cho'osirumũ Repau pa'ichejaqueechi'a pa'ija'mũ.

²⁸⁻²⁹ Jã'ajekuna Dios maire chũ'ũñe jo'kasi'e tuacu'achejekuna mai si'arumũ chũ'ũju pa'ijache masime mai. Jã'a isijachere cuasaju Repau'te, "Re'orepamũ, Ja'ku", chiiju pañu mai. Ũcuachi'a Repau'te mai Cuasaku'te Diore cuhenare vati toa

saokujekuna cuasa kukujũ, rũa chiiju, pojojũ pañũ mai Repañ'te, maini pojoa'kũ chini.

13

Diopi pojoa'kũ chini cho'оче'te kmatũ

¹ Mũsanũkona majapãija'ñe sãĩñechi'a oiche jo'kasoma'ñe pa'ijũ'ũ.

² Ũcuachi'a mũsanũkona vũ'ña sainare ñamanarejẽ'e pojojũ re'oja'che cho'ojũ pa'ijũ'ũ. Jã'aja'ñe cho'ojũ chekuna vesujũ ángele'te pojojũ re'oja'che cho'oasome.

³ Pãĩ chẽavũ'e cuaocojñosiva'nare cuasajũ, “Jã'aja'ñe chẽacojñoto kuiranare chiicojño'kũ'mũ”, chini cuasa ũcuanana'me chẽacojñosinaja'ñe cuasajũ oijũ kuirajũ'ũ repanare. Ũcuachi'a mũsanũkona chũova'na cu'ache cho'ocojño'ova'nare cuasajũ repana cho'ocojño'ñeja'ñe cu'ache cho'ocojñosi'ere cuasa, “Cu'akũ'mũ jã'aja'ñe cho'ocojñoto”, chini cuasajũ kuirajũ'ũ repanare.

⁴ Ɔmũpãĩ, mũsanũkona rũjoromiva'nare re'oja'che paajũ mũrũjoromi peonare romineema'ñe pa'ijũ'ũ. Romi, mũsanũkona ũjũpãiva'nare re'oja'che pa'ijũ mũũjũpãĩ peonare Ɔmũneema'ñe pa'ijũ'ũ. Dios Ɔmũpãĩna'me romi repana pa'imani cu'a cho'onare repana cu'ache cho'osi'e ro'iche chũ'ũja'mũ.

⁵ Kurineema'ñe pa'ijũ mũsanũkona paache'te ña pojojũ jo'e na'a rũa paañũ chiimanejũ'ũ, Dios ija'che i'kasi'ejekuna: “Mũsanũkonare

kuirache cuhasomaꝝ jo'kasomaneja'mꝝ chu'ꝝ mꝝsanꝝkonare", chiniasomꝝ Repaꝝ.

⁶ Jã'ajekuna, "Repaꝝ cho'okaija'mꝝ", chini cuasaju vajꝝchꝝma'ñe maire aperꝝmꝝ i'kasi'ere ija'che i'kare'omꝝ:

Diopi chu'ꝝni cho'okaiꝝna vajꝝchꝝmaneja'mꝝ chu'ꝝ.

Diopi ùseto pãi, ¿je'se cu'ache cho'ojanaa'ñe chu'ꝝre?

chiisi'e.

⁷ Mꝝsanꝝkonare re'oja'chere Dios chu'o chu'vajꝝ chu'ꝝsinare cuasaju pa'ijꝝ'ꝝ. Repana jũ'iñetꝝ'ka re'oja'che pa'ijꝝ Jesucristo'te cuasaju pa'isinaa'me. Repana pa'isi'ere cuasaju che'che ùcuaja'che cho'ojꝝ pa'ijꝝ'ꝝ.

⁸ Maire Paakꝝ Jesucristo aperꝝmꝝ ùcuarepa pa'isi'ena'me irꝝmꝝ pa'ichena'me na'a pa'isirꝝmꝝ pa'ijache ùcuate'e cho'okꝝ'mꝝ. Sañoma'kua'mꝝ Repaꝝ.

⁹ Jã'ajekuna pãi mꝝsanꝝkonare ma'a tĩima'ana sacheja'che si'ache tĩiñe che'choche ùcuamakaru asajꝝ'ꝝ. Ñu te'emajñaruã ãiũseju, "Jã'are ãimaneni na'a re'oja'che cho'ome mꝝsanꝝkona", chiiju che'chome repa. Jã'ata'ni repa che'choche jorechꝝ'oa'me. Ija'chea'me ùcuarepa: Dioni cuasajuna Repaꝝji oiꝝ re'oja'che cho'omasirekoñoã cho'okaiꝝna si'arꝝmꝝ na'a rua re'ojarekoñoã paajanaa'me mai.

¹⁰ Jesucristo mai cu'are peore kurususẽ'verona jũni ro'ikaisi'ejekuna ro'iche peomꝝ maire chura. Jã'ata'ni pãi aperꝝmꝝ chu'ꝝ jo'kasi'e irꝝmꝝjatꝝ'ka repa cu'ache cho'osi'e

ro'ire ro'iñu chini jo'cha va'iva'nare vaniso judío phairipãire ïsijũ pa'ina Jesucristo cho'okaisi'ere jachame. Jã'ajekũna Repaũ cho'okaicojñomanajejũ repana cu'ache cho'osi'e si'arũmũ ro'ijũ pa'ijanaa'me.

¹¹ Judío phairi aipi Dios vũ'e na'a sa'navũ caruupũna Dios pa'iruupũna jo'cha va'iva'na chie cuaamũ, pãi cu'ache cho'osi'e ro'ire ro'ikasa chini. Repava'nare va'iva'nare chie paasiva'nareta'ni vũ'ña na'a saitona etua sa ùosoasome.

¹² Jesús ũcuaja'che pãi cu'ache cho'osi'e ro'ire Ũcuau chiepi rao ro'ikaiũ vũ'ejoopo na'a saitona chuenisoasomũ, ro'ikakũna Dios neenachi'a paapũ chini.

¹³ Jesure vũ'ejoopo na'a saitona Chuenisosi'kũni cu'ache cutume pãi. Maijẽ'e ũcuaja'che vũ'ejoopo eta saicheja'che aperũmũ cho'osi'ere ũhaso Jesuna'me re'oja'che pa'ijũ, pãipi maini Repaũ'te cutucheja'che cu'ache cututojẽ'e cuasama'ñe pañu mai.

¹⁴ Icheja ai pa'ijajoopoji peokũna Dios pa'ijooopo mai ai sani pa'ijajoopo'te so'opi ñajũ pojocheja'che cuasajũ cha'ajũ pa'ime mai.

¹⁵ Jã'ajekũna maire jũni ro'ikaisi'kũpi Jesucristoji cho'okaiũna, si'arũmũ Repaũni pojojũ, "Re'orepamũ; rũa re'okũ'mũ mũ'ũ", chiijũ pañu mai, pãi aperũmũ pa'isina Dioni pojojũ cu'amajñarũã ra ïsisi'ēja'che. Mai jã'aja'ñe sēeñe'te asara chiimũ Dios. Jã'ajekũna Repaũ'te re'oja'che sēejũ pojojũ pañu mai.

¹⁶ Ũcuachi'a musanũkona re'oja'che cho'oju chekũnare kuirachena'me repanare cho'okaijũ

pa'iche cuhasoma'ñe cho'oju pa'ijũ'u. Jã'aja'ñe cho'oto Repauni ñsicheja'che cho'oju na rua pojoja'mu Dios.

17 Ũcuachi'a musanukona pa'icheja canare Jesure cuasana ainare ña, vajuchuju repa chũ'ũñe asa jachama'ñe cho'oju pa'ijũ'u. Musanukonapi Repaute cuasache'te ũhasoma'ñe masi cuasaju paaru chini repa musanukonare kuiraju pa'isi'e ro'ija'mu Dios. Repanani ña, vajuchuju jachama'ñe pa'ito pojoju kuirajanaa'me repa musanukonare. Jã'ata'ni musanukonapi repanani jachato sumava'na pa'ijanaa'me repa. Ũcuachi'a jã'aja'ñe jachani re'oja'che pa'ichejẽ'e che'chemanejanaa'me musanukona.

18 Chukuna'te Dioni sseekaijũ'u, re'oja'che cho'okaau. Repauni cho'okaiju peore chukuna'te cho'ore'ochetu'ka re'oja'che si'ache cho'oju pa'ime chukuna, Repaui chukuna pa'iche'te ña pojoa'ku chini. Jã'aja'ñe cho'oju meñe cuasa ña, "Re'oja'chere cho'ome mai", chiinaa'me chukuna.

19 Dioni rua sseekaijũ'u chu'ure, chiimu chu'u; Repaui chu'uni musanukona pa'ichejana pesa saouna jo'e sani ñara chiimu chu'u musanukonare.

"Diopi re'oja'che cho'okaau", chini chu'o saosi'ea'me

20 Musanukonare ũcuachi'a sseekaimu chu'u Repaute. Mai rekoñoã re'oja'che pa'iche cho'okaiku'mu Dios. Ũcuauji maire ovejava'nare masi kuiracheja'che re'oja'che kuiraku'te

Maire Paaku'te Jesure jūniso tācojñosi'kure vasosi'kua'mu. Mai cu'are ro'ikasa chini jūnisouna Repau raosi'e chiere ña, "Pāi cu'ache cho'osi'e ro'i peore ro'iche'me ie", chiniasomu. Jā'aja'ñe cho'osi'ejekuna irumu Diona'me si'arumu re'oja'che pa'ire'omu maire, Repau mamare, "Ija'che cho'oñu", chiisi'e cho'osi'epi si'arumu pa'ina.

²¹ Repauji musanukonare re'oja'che cho'okaiu Repau chiiche cho'oñu chiisi'e karache peore isia'ku. Maire ucuanukore re'oja'che cho'okaa, maipi re'oja'che cho'omasiju re'oja'che cho'ojuna mai pa'iche'te ña pojora chini. Repau Jesucristo maire re'oja'che cho'okaisi'ena'me re'oja'che cho'okaiche'te jo'kasoma'ñe cuasaju si'arumu, "Re'orepamu, Ja'ku; rua re'oku'mu mu'u", chiiju pañu mai. Jā'aja'ñe paau.

²² Chu'u majarpāijana, ie chu'o jmanukoru tochasi'ejekuna chu'u chu'vaku tochasinukoru peore asa cho'ojū pa'ijū'u.

²³ Mai majarpāija'ia Timoteo pāi chēavu'e cuaocojñosi'ku etocojñocuhaasomu. Repauji ichejana na'mi ratu ucuauna'me sani ñaja'mu chu'u musanukonare.

²⁴ Chu'una'me pa'ina Italia cheja raisina ja'me chu'o saome musanukonare. Musanukonare chu'unana'me musanukona Dios neenare ucuanukore chu'o saomu chu'u.

²⁵ Musanukonare ucuanukore Diopi re'oja'che cho'okaa, re'oja'che pa'imasia'ju chini. Re'omu.

Koreguaje

Koreguaje: Dios Chu'o Kuaphuro New Testament

copyright © 2009 Wycliffe Bible Translators, Inc.

Language: Koreguaje

Contributor: Wycliffe Bible Translators, Inc.

All rights reserved.

2025-05-01

PDF generated using Haiola and XeLaTeX on 30 Apr 2025 from source files dated 1 May 2025

87a345ac-83c6-51ad-8750-17a703f38bcc